

Icikakatikilo Ca Citatu



Icungulupo mukwai, mwe fibusa. Natwiminine nomba pakashita fye mwipepo. Natukontamike imitwe yesu.

² Shifwe uwa mu Mulu, ilyo tuleumfwa lulya—lulya ulwimbo ulwawama, ifwe—tuletonnkanya, Shikulu, ulwa... ukuti Imwe muli mupepi. Kabili ifwe tulepepa ukuti Imwe mwalatupokelela muno bushiku, Shikulu, nga bana Benu, tubeleleni uluse pa membu shesu shonse na mampulu, no kutupela ifya mapalo Yenu, nge fyo tuli abantu abakubulisha.

³ Kabili muli iyi ora ikalamba iyo nomba tuleikalamo, kabili tulemona, cila mwaka, kuleya kulefitilako no kufitilako, kwi sonde. Kabili Ukwisa kwa kwa Shikulu kuleya kulebutilako no kubutilako, ilyo Ena aleisokolola Umwine mu i... mu Cebo Cakwe kabili mukumonekele Kwakwe. Natwisa nakabili, muno bushiku, Shikulu, ukwasha, ukwa uku kulongana, kabili tulepepa kuli Imwe ukwisula kuli ifwe, Shikulu, ici Cikakatikilo ica Citatu ica ili Buku, ukutila cingeshibikwa kuli ifwe, pakutila twingeshiba ifya kucita kabili nefya kwikala, kabili ifyo twingaba Abenakristu abasuma.

⁴ Ndepepa, Lesa, ukutila Imwe mwalalenga onse ushili Umwinakristu muno, muno bushiku, ukwiluka ukukabila kwabo ukwa Imwe. Peleni fi. Kabili ine—ndepepa, Shifwe uwa mu Mulu, ukuti Umwinakristu onse uwafyalwa cipya cipya alingile ukwiluka ukuti alingile ukwikala mupepi nganshi ukucila ifyo aikele akale, pa kutila ifwe bonse twingaba muli kulya ukwampana ukwa kutemwa kwa Bwinakristu ne citetekelo.

⁵ Peleni ukutila umuntu onse umulwele mukati kesu alaundapwa muno bushiku, Shikulu. Bena na beluka ukukabila kwabo ukwa Imwe. Kabili ndepepa, Tata, ukutila Imwe muli no kupala ifintu fyonse ificitilwe atemwa ukulandwa, ukupela umucinshi kuli Imwe no bukata, mwi Shina lyakwa Yesu twalombela ifi. Amenii.

⁶ Cisuma, nakabili, muno bushiku, natulongana capamo nakabili pa mulandu wa ici, pa—pali Citatu ubushiku ubwa mulungu. Kabili ifwe tulesubila Shikulu, muno bushiku, pa ku—kupongolwelwa ukukalamba ukwa mapalo Yakwe pa Cebo Cakwe. Kabili ilelo naciba ndesoma, nga lyonse, kabili ukwasha ukutontnkanya pa fintu ifyo fingaba ifyalinga nganshi ukusosa, ne cintu, ica kucisoselamo, elyo kabili ukushintilila pali Shikulu ukumpelo bwilulo no bupilibulo ubwa—ubwa ici Cebo icili calembwa. Kabili ndetasha nganshi kuli Wene pafyo Ena atucitila ifwe mu mulungu onse, ukuti ifwe... pa kwisula kwa ifi Fikakatikilo.

⁷ Kabili, nomba, nalimo kuti caba icintu icisuma nga pa mulungu ulucelo, pa... Namwishiba, inshita ishingiri... Ifwe tatupilibula ukukana twiluka, lelo, namwishiba, imwe... Cena caba muli ulya musango. Kabili e ico, nalimo, pa Mulungu ulucelo, nga bonse abo abakwete ilipusho mu mitima yabo palwa cena, kuti bacilemba no kucibika pe tebulo apa, pa Cibelushi ubushiku, kabili e ico kuti namona ifyo cena cili. Elyo kabili nkesha ukumyasukilako yena, pa Mulungu ulucelo, Shikulu ngasuminisha. Ndetontonkanya cilya kuti cawamishapo ukucila ifyo tulepanga, pantu inshita shimo tabeluka cena, namwishiba. Kabili e ico ulya musango ndi no kusenda... Cena kuti cawama ukutila kuti na—kuti nacileta fye bwino bwino, namwishiba. Cena kuti caba fye ifyo cilingile ukuba. Pantu, inshita imo, nomba...

⁸ Umuntu umo acipusha ilelo kabili acisosa, ukuti—ukuti, acipusha kabili acilafwaya ukwishiba nga cakutila cena cishinka, ukuti, “ilyo i... Ukusendwa kukacitika, kukabako umo mu Jeffersonville kabili umo mu New York, kabili abashala ukuciluka ba bemba.” E ico, mwamona, cena kukanaciluka fye. Elyo umo atile ukuti, “Pa Cibelushi ubushiku, nga Shikulu ali no kutupela Icikakatikilo icakulekelesha, lyena Yesu kuti aba kuno pa Mulungu ulucelo.” Mwamona? E ico cena cili i—cena cili i... Mulemona, imwe—imwe tamucita... Cilya, cilya tacili ifyo. Kabili imwe tamucita... Cena tacili.

⁹ Ifwe tatwaishiba. Nga uuli onse amweba ukuti balishiba ilyo Ena kesa, namwishiba bena bali mucilubo, icakubalilapo, pantu takwaba nangu umo uwaishiba cilya. Lelo tulefwaya ukwikala, ilelo, kwati fye cili fye ino ine nshita.

¹⁰ Nalaba ngo wa kumishingulusha pali miniti, e ico beni abaiteyanya. Ine—ndecetekela Yesu ali no kwisa mukati, ukukana cila, ama miniti yatatu ukufuma ino ine nshita, pa nshita Yakwe. Namwishiba ukulepa ifyo cilya cingaba? Nalimo imyaka amakumi yatatu na fisano. Mwamona, imyaka ikana ili fye ubushiku bumo, kuli Wene, mulemona.

¹¹ E ico, ilyo mwaumfwa umutumwa kunuma kuno ukusosa, “Inshita ili mupepi,” kuno lubali, “Inshita ili mupepi.” Umutumwa asosele cilya mu Kusokolola. Namwishiba ubutali ifyo cilya caba? Cilya tacilati... Cilya cali fye mailo, kuli Lesa, tacili nangu inshiku shibili nomba.

¹² Kabili, mwamona, nga cena cili ama miniti yatatu, ukukana cila ama miniti yatatu aya Kwisa Kwakwe, mwamona, cilya kuti caba imyaka amakumi yatatu, nalimo, kuli ifwe, atemwa icintu cimo muli bulya ubutantiko. Kabili lolekesheni umusango, ifya ma miniti yatatu yengaba kuli Wene: Ena kale aleima, ukwisa. E ico ifwe, imwe... inshita shimo ilyo mwabelenga apa, Ena alelanda mu mitantikile ya Cebo, mwamona, te mu mitantikile yesu.

¹³ Kabili elyo nganalishibe Ena aleisa mailo ubushiku, mailo ubushiku, mailo kuti nasoma no kulomba Wene ukumpela Imbila iya Cikakatikilo ica Cine. Kabili kuti naisa kuno lubali no kushimikila Cena, mu musango umo wine. Mwamona? Ine—ndefwaya ukulacita cila bushiku filya fye ifyo ningalacita nga Ena aisa. Kabili nshaishiba incende imbi iyawamisha ukucila ukusangwa palya pene pa cifulo ca mulimo, mwamona, pa cifulo ca mulimo. E ico tuli no kutwalilila fye ukulabomba mpaka Akese.

¹⁴ Inshita shimo ilyo twabelenga fye, kabili, nomba, beni abacenjela nganshi. Kabili ilyo mwabelenga, buleni ama tepu, umfwikisheni kuli yena. Pantu, muli no kusanga cena pali tepu, pantu balayalisha yalya ama tepu kunuma, kabili yena yaliba ayasuma nganshi nokumfwika bwino. E ico, imwe muli no kumfwikisha cena bwino nganshi kulya.

¹⁵ Nomba, uuli onse mukutemwana na Kristu, ndesubila, muno bushiku, kabili umuntu onse ukutemwa Wene.

¹⁶ Ndi no kumweba ici, inshita shimo, ico cifulunganya abantu, ukuti umo muntu uwaishilemo kabili taumfwilepo iciputulwa cakubalilapo ica kulongana, mulemona. Elyo balesamo kabili no kumfwa imwe ukusontelela kunuma, ukuya kunuma, icintu cimo, elyo kabili balasenda cilya, ico calandilwe, kabili bena tabasenda iciputulwa ca ntanshi. Elyo cilesa mukuba fye icimfulunganya kuli bena, mulemona, lilya. Kabili bena balatontokanya ukutila icintu cimo calilandilwe mukupusana, lelo Cena—lelo Cena tacili ifyo.

¹⁷ Eico nga namukwata ilipusho ilyo tamwiluka, lilembeni fye pakaputulwa kepepala. Kabikenimo, inshita ili yonse ukufuma nomba na pa Cibelushi ubushiku. Kabili ndi no kwesha, pa Mulungu ulucelo, uku. . . Nga cili icakupapushako panono, mwatila, “Cisuma, ndesunguka ifyo *ici* capilibwile apa. Ine nshacumfwe.” Namwishiba ico ndepilibula. Elyo ukwesha ukwasuka cena kuli imwe, pa Mulungu ulucelo, Shikulu ngasuminisha.

¹⁸ Nomba, muno bushiku twalabelenga ukufuma muli ici Cebo icakale icapalwa nakabili, mu cipandwa ca 6. Kabili twalatendeka muno bushiku ne Cikakatikilo ica Citatu. Kabili ilya ni vesi ya 5, iya 5 na vesi ya 6.

¹⁹ Kabili mailo ubushiku tuksesapwisha abaninine bane; kabalwe uwa buta, elyo kabalwe uwakashika, kabalwe uwa fita, na kabalwe uwa butulukila.

²⁰ Kabili ndefwaya ukusose ci. Ukuti, cila nshita, mpaka fye nangula ilelo ulucelo, nalimo. . . Nacibuka sana, ulucelo sana no kuya mu mapepo ilyo ifintu tafilafulungana, kabili ukutwalilila fye ukulapepa mukasuba konse. Lelo muno lucelo, akacelo sana, Mupashi wa Mushilo acisa kulya uko nacibela. Kabili ukuba fye palwalala nge cintu icili conse,

ine—nacimona ici cimbi Icikakatikilo ukwisulwa nomba, filya fine fye. Nomba—nomba—nomba, Ena alangu'mfwa, ninjishiba. Kabili ndetasha nganshi.

²¹ Nomba, imwe muli no kwibukisha fye ukuti kwalibako icintu cimo icilecitika. Cilya, ine—ndesubila muleumfwa cena, mwamona, mwamona, ukuti kuliko icintu cimo icilecitika. Ndefwaya ukweshya fye ulu lukuta inshita fye imo, no kumona nga bena mucine nga kuti bamona icintu cimo ilyo cena mucine tacilacitika. Nomba ibukisheni, ibukisheni ifyo mwebele. Kabili, nomba, Shikulu atwafwilishe.

²² Nomba mu vesi ya 5.

Kabili ilyo akakatwile icikakatikilo ca citatu, naumfwile ica mweo ica citatu ciletila, Isa. . . umone. Awe nalilolekeshe, kabili moneni e kwali kabalwe uwa fita; no waikelepo ali ne cakulingo kufina mu minwe yakwe.

Elyo naumfwile kwati lishiwi mukati kafya mweo fine liletila, Umulingo wa ngano mu ndalama imo, ne milingo itatu ya barle mu ndalama imo; lelo mona amafuta no. . . mwangashi wionaulapo.

²³ Nomba lekeni tubwekele kunuma pali ici pakashita fye akanono, kabili pa Fikakatikilo ifyo twapitamo. Pantu, nga filya mu nshita sha nkuta, cinshi, ifwe tuleesha ukubwekela kunuma, ukuba ngo wakuciletamo, mpaka imwe kuti. . . ulya e musango inshita shabelamo mucine mu Malembo, imo ilengila mu ibiye, filya fine fye. Kwati kunina umutanto, no kunina amatabo, ntile; imo ukuya muibiye, kabili ukulabwela filya fine, ilyo muleya ulutampulo lumo pa mulu.

²⁴ Kabili nomba, ifi Fikakatikilo, i. . . Cena li—Ibuku lya Kulubula, lyakakatikwa. Onse aleiluka cilya? [Ulukuta lwatila, “Ameni.”—Ka.] Kabili ili Buku lyalikakatikwa ne Fikakatikilo Cinelubali. Lyena li Buku ilya kakatikwa ne fikakatikilo cinelubali. Mwamona?

²⁵ Kabili nomba ibukisheni, ilyo twalelangisha cena kuli imwe, kabili twacisendele ukufuma muli Yeremia na bonse. Nomba, bena, ilyo bakwete. . . Balilembele nge *fi*, pa ciputulwa apa—apakulembela, atemwa ipepala, ntile; atemwa te pepala, lelo cali umukupu. [Munyina Branham alelondolola ifya kupomba no kukakatika kwa mufungilo, pa kubomfya ifiputulwa fya mapepala.] Kabili balipombele yena, nge *fi*. Nomba cilya. . . Elyo kabili impela ya cena baliishile nga *filya*; cilya calelangisha icali mulya. Iyakonkelepo asendele icifulo ica musango umo wine, ukupomba mu musango umo wine, ukupomba nga *filya*. Elyo kabili, pa mpela apa, walelepulwa nga *filya*, no kusha ulya umbi.

²⁶ Cisuma, lilya lyali li Buku lya fikakatikilo cinelubali. Nomba tatwatalile ukukwata ama buku nge *li*, mpaka icaili line. Ama Buku mu nshita yakale yali imifungilo. Yena yalipombelwe. Elyo kabili ilyo balefwaya ilyashi atemwa icintu icili conse... Kwati nga—nga Baibele yalipombelwe, imwe mulefwaya ukubelenga Ibuku lyakwa Esaya; imwe kuti mwapilibwila umu muli Esaya, elyo ukufungulula Yena nga *filya*, no kubelenga Lyena. Kabili ili li Buku Lyakulubula ne fikakatikilo cinelubali.

²⁷ Kabili nomba tulesanga ukuti Umwana wa mpaanga afuma, asenda Ibuku ukufuma mu minwe iya Uyu uwaikele pa Cipuna ca bufumu, no kukakatula Ifikakatikilo, no—no kukakulula... no kukakulula Cilya, akakulula Ifikakatikilo ku bantu.

²⁸ Kabili ifya Mweo fine fyaikele kulya, ifyo twasendele mu nshita sha nkuta, ifya Mweo fine fimo fine, imwe mulefimonu ukupita monse mu Malembo, kabili fyena e Fimo Ifyo ifibilisha pali ifi Fikakatikilo ukukakatulwa. Nomba, kabili ifwe tulemona cena cili i—Ibuku Lyakulubula.

²⁹ Elyo twalibwelelemo no kusenda ka—Kalubula Uwalupwa, twabulile Wene, ukumona ifyo umulimo Wakwe wali. Kabili nomba pa myaka iyi yonse, Kristu alebomba umulimo uwakwa Kalubula Uwalupwa. Nomba, bonse mwe baleiluka cilya, soseni, “Ameni.” [Ulukuta lwatila, “Ameni.”—Ka.] Ena alebomba umulimo uwa kwa Kalubula Walupwa.

³⁰ Lelo kukesha isa inshita ilyo kutila umulimo uwa kulubula ukesapwa. Kabili ilyo mulimo uwa kulubula ukesapwa, lyena Akasha Icipuna ca bufumu cakwa Lesa, uko Ena ekele nomba. Lelo cilya te Cipuna Cakwe ica bufumu. “Uyo ukacimfya akekala pamo na Ine mu cipuna Candi ica bufumu, nge fyo na cimfishe no kwikala pa Cipuna ica bufumu icakwa Tata.” Cilya tacili Icipuna Cakwe ica bufumu. Cilya caba ica Mupashi, Lesa. Kristu, Umwana wa mpaanga, cena te Cakwe. Ena ni Lesa mu mubili, mwamona; uyo uuli ni Lesa umo wine, ukulengwa mu mubili. Nomba, Ena aleima ukufuma pa cipuna... .

³¹ Intanshi, ukubilisha kwalicitilwe, pantu, “Nani uyo uuli uwalinga ukwisa no kulu... kabili ukusenda ili Buku ilya Kulubula?” Mwamona, pantu ipange lyonse ilya kulubula, ukufuma kuli Adamu, fyonse ifyo Adamu alufishe.

³² Takwaliko nangu cimo icalubile mpaka Adamu. Kabili panuma yakwa Adamu, fyonse fyalilubile, mwi sonde. Kabili ifintu fyonse mu fyalengwa ifya pe sonde fyalilubile. Kabili ifintu fyonse fyaliwile pamo na Adamu, fyalilwike umukonko, icakutula takwali nangu umo uwingabwelelamo, takwali inshila nakalya. Umuntu, ilyo abembwiike, ashile nshila yakwe, ena tashile inshila yakubwelelamo umwine. Elyo kabili i... .

³³ Ilyo ili lipusho lyaipushiwe; Yohane kasokolola, ukuti. . . kasesema Yohane, ali mucimonwa kabili alimwene cena. Kabili takwali umuntu mu Mulu, takwali umuntu pa calo, takwali umuntu pe samba lya calo, atemwa nangu umo, uyo wali uwalinga ukulolekesha pe Buku. Mwamona? Nomba tontonkanyeni fye pali cilya! Elyo Umwana wa mpaanga aleisa pa ntanshi, kabili Ena alesenda Ibuku. Nomba Yohane balimwipwishe ukukana lila nakabili. Atile, “Moneni, inkalamo ya mukowa wa Yuda naicimfya, kabili—kabili Ena kuti asenda Ibuku no kwisula Lyena.” E ico, alipilibwike ukumona inkalamo, kabili amwene Umwana wa mpaanga. Umukalamba aliitile, atile, “Inkalamo naicimfya.” Lelo ilyo aishile no kulolekesha, cali Umwana wa mpaanga uwaleisa ukufuma ku Cipuna ca bufumu.

³⁴ Nomba, ena tatalile ukumona Cilya akale. Cinshi? Ena ali kunuma kulya, mukubomba Kwakwe umulimo Wakwe uwa kupapatila; pantu Ena alesumisha umulopa abantu, ukupapatila abantu, mpaka umweo wakulekelesha, uyo wabikilwe pe Buku lya Mweo ilya Mwana wa mpaanga ilyo mufula we sonde taulalengwa, baisamo. Kuli no kubako fye abengi abali no kuba kulya, kabili cilya eco. Epela fye. Bambi tabakafwaye no kwisamo; tabakwata ukukabila ukwisamo. Kabili e ico, lyena, ilyo ulya umweo wakulekelesha waisamo, lyena inshita ya kulubula yapwishiwa.

³⁵ Elyo Umwana wa mpaanga aleisa ukupoka insambu Shakwe kufyo Ena alubwile, kabili cilya fibumbwa fyonse. Isonde ne fintu fyonse Fyakwe. Mwamona? Ena nalubula cena no Mulopa Wakwe Umwine. Kabili ilyo Ena aleisa mukusenda ili Buku, ukwisula Lyena, cinshi, mwe, bena bali. . . Yohane talilile nakabili. Kabili ena alilolekeshe, kabili uyu Mwana wa mpaanga ali Mwana wa mpaanga uwaipaiwe. Ena alipaiwe kale, lelo ali uwa mweo nakabili. Kabili nomba tulesanga ukutila umwana wa mpaanga uwaipaiwa mwana wa mpaanga uwakantaikwa no mulopa, ukusuma umulopa pa cifulo conse. Ena alipaiwe. Panuma Wene aipaiwe, Wene alibukile nakabili. Wene alikele pa Cipuna ca bufumu, ntile, kunuma mulya mukati ka cipuna ca bufumu, nge *fi*, ukupapatila yonse ilye myeo iyali no kwisa. Lyena uwa kulekelesha ali kuno, kabili calipwishiwe, i. . . Lesa nalyo line alikatilile Ibuku lya Kulubula. Mwamona? Nomba ena alecita fye umulimo uwa Mulupwa nomba.

³⁶ Kwati, Boashi alile, na Ruti aikele fye kulya ukulolela mpaka Boashi. . . Ndepilibula, Boashi abombele i uku- . . . uwalupwa, umulimo uwakulubula. Muleibukisha ine ukushimikila cilya, te kale sana? Ruti, ukusepa; kabili, Ruti, fyonse ifyo acitile; kabili ukutwalilila fye, kabili icintu cakulekelesha cali, Ruti, alelolela. Ibukisheni ifyo napashenye cilya mu Lukuta? Ilyo, Boashi aile kulya ukucita umulimo uwa

kalubula uwalupwa. Ena alicicitile; apantilepo ulusapato lwakwe no kucita ubunte, no kulubula Naomi, kabili, ukupita mulya, asendele—asendele Ruti. Nomba, e ico, Ruti alelelela fye, pantu ena alibombele kale. Ena alicitile fyonse ifi fintu fimbi ifyashala, lelo ena alelelela nomba. Elyo kabili ilyo... Ulukuta lulelelela, ukutusha (Abengi muli bena, abengi muli bena, mu lukungu lwe sonde), ilyo Ena alebomba umulimo Wakwe uwakwa Kalubula Walupwa.

³⁷ Nomba isonde lileya lilebipilako fye. Kabili ulubembu lulefulilako, na—namalwele, na mafya, ne mfw, no bulanda. Abaume abashipepa na banakashi abashipepa balefwa ino ine nshita. Impwalonda ilebalya, na fyonse fye ifyashala, ilyo tekuti bakwate icitetekelo icalinga ukufika kulya no kwikatilila cena.

³⁸ Nomba moneni. Lelo lyena panuma ilyo caishilepwa, panuma Yakwe iyaku...kupapatila Kwakwe kwacitilwe, Aishileisa, asendele Ibuku ukufuma mu minwe ya Wene. Elyo kabili Yohane, ne fintu fyonse mu Mulu, no kutendeka... Imyeo pe samba lya cipailo yatendeke ukubilikisha. Tuka mona ici mu Cikakatikilo ica Mutanda nakabili. Kabili ifyo basekelele! Kabili—kabili baliwile ubukupeme, abakalamba, no kpongolola amapepo ya ba mushilo. Kabili imyeo pe samba lya cipailo yabilikishe, “Muli abalinga Imwe, pantu Imwe na mutulubwila kuli Lesa! Kabili tulebwelelamo pe sonde, ukuya ikala nge sha mfumu na ba shimapepo.” Owe, kwaliko icikalamba... .

³⁹ Kabili Yohane atile, “Uuli onse mu Mulu, icintu conse pe samba lya calo, kabili icintu conse,” fya mumfwile wene ukulumbanya Lesa palwa cena. Yohane alingile alisangile ishina iyakwe Palya, namwishiba. Yonse ilya nshita!

⁴⁰ Elyo atile, “Ena ali uwalinga ukusenda Ibuku ilya Kulubula.” Nomba yena taili iyakwa Kapingula nakabili. Yena yakwa Kalubula, kabili Ena na bomba umulimo uwa kulubula.

⁴¹ Nomba Ena ali no kulangisha Ulukuta ifyo Ena acitile. Amen. Mwamona? Elyo Ena asenda fye...Lelo Ibuku lyalisalwa. Takwali nangu umu uwalishibe, nakalya. Bena balishibe Lyena lyali li Buku lya Kulubula, pali Lyena palya, lelo Lilingile ukusokololwa mu nshiku sha kulekelesha. Ukulingana no Kusokolola 10, malaika uwalenga cinelubali ali no kupelwa Imbila iya Cilya. Pantu, Lyatile, ukuti, “Mu nshita iya kubilisha kwa nshita ya lenga cinelubali, malaika uwalenga cinelubali, ilyo akabilisha, nkama shonse ishakwa Lesa shilingile ukupwishiwa, pa kubilisha kwakwe.” Kanshi, panuma Lyasokololwa Malaika aishileika ukufuma ku Mulu, uyo wali ni Kristu. Nomba ibukisheni, uyu malaika aba pe sonde, inkombe.

⁴² Kulya kwalishile Kristu, mulemumona Wene mu cipandwa ica 10 ica Kusokolola; abikile ukulu kumo pa mulundu, no

kubiye pali bemba; umukolamfula pa mulu wa mutwe Wakwe, amenso ayapala . . . na molu ngo mulilo, kabili na fimbipo; atumpwile ukuboko Kwakwe pa mulu, no kulapa kuli Wene uyo uwaikala umuyayaya no muyayaya, pa Cipuna ca bufumu, ukuti, “Takwakabe ukukokola nakabili.” Kabili ilyo Alapa uyu umulapo, Ifibulumo Cinelubali fyalandile amashiwi ya fiko.

⁴³ Kabili kalemba, uuli, ilyo Yohane asendelwe mu mulu, alingile ukulemba ifyo amwene. Atendeke ukulemba. Atile, “Wilemba Cena.” Pantu . . . “Wilemba Filya.” Cena cili icaku . . . Atile, “Kakatika Cena.” Icili mwi? “Cikakatike. Wilanda Cena.” Mwamona, Cena cilingile ukusokololwa, lelo cena tacalembwa na mu Cebo.

⁴⁴ Kabili ilyo Atendeke ukwisula Icikakatikilo, tulesanga ukuti, fyena fyonse fyali ifya kupapusha. Mwamona? Ilyo Ena aiswile Icikakatikilo ca Ntanshi, atontonkenye, “Nomba pano Cena cili no kusosa, ‘Kabili cili no kwisa ukuti *kampanda-na-kampanda* akesa ikala pa cipuna ca bufumu, kabili *mucine* ukucita *ici*, kabili *uyu* akacita *cilya*.’”

⁴⁵ Lelo ilyo cali, apa alile, kabalwe uwabuta, ukunina, no waikalepo pali ena. Cisuma, “Ena alikwete ubuta mukuboko kwakwe; kabili alipelwe icilongwe, panuma yakashita,” efyo asosele. Epela fye.

⁴⁶ Kabili Umwana wa mpaanga alipilibwike nakabili, no kwisula Icikakatikilo cimbi, kabili uyu alile uwafita . . . uwaninine pali kabalwe uwakashika. “Kabili alikwete i . . . apelwe u—ulupanga; kabili ali no kucita ubulwi; kabili apelwe amaka ayakalamba, no kusenda umutende ukufuma pe sonde, no kwipayana umo no mubiye.” Cilya cali nge ca . . . nalyo line icintu ica kupapusha (bushe tacali?), ilyo Ena aiswile Cena.

⁴⁷ Elyo aletwalilila, no kusosa, “Mu bushiku lintu fye ifi Fibulumo Cinelubali, shonse ishi apa nkama shasokololwa.”

⁴⁸ Nomba lolekesheni. Elyo tulesanga ukuti, nge fyo twalesoma, ukuti, ukupita monse mu nshita, twalikwete bakalungamika, te bakasesema. Bakalungamika! Kabili cila ofeshi yakwete uwaiko—umulimo waiko.

⁴⁹ Kwati fye umuntu uyo u—ubombela pali lamy, ena tali filya fine ubombela ku malaiti. Ena nalimo kuti abombako umulimo unono pali cena. Kabili kwati, ngo muntu ubika intambo, cisuma, ena mucine . . . umuntu ni kamba wa filindi fya milongoti, kabili tatalile ukubomba umulimo uwa kubike ntambo, ena kuti cawama atalukako ku ntambo; lelo ena nalimo kuti abomba umulimo uwa kuwaminisha atemwa icintu cimo.

⁵⁰ Lelo ilyo Icintu icituntulu cikesasokololwa pa bushiku bwa kulekelesha, pa ciputulwa ica kulekelesha ica Lukuta, ni lilya ilyo Lesa asosele ukuti Akesa tuma kuli ifwe, ukulingana na Malembo. Kabili twalifwailisha cena no kupitulukamo no kupitulukamo, ukutila Alilandile kabela ukuti Umupashi wakwa Eliya ukesabwela mu muntu umo. Nomba, ndetontokanya cilya calilengwa ukumfwikwa palwalala. Kabili ifwe. . . Kabili tulelelela cilya ukucitika; pa cifulo cimo, umuntu uwasubwa, mu nshiku sha kulekelesha, ukwima. Nomba muli no kumfwa abafulungana abengi ne fintu fimbi ifyashala, lelo cilya fye—ukweshwa uku. . . Cena ni Kasebanya, ukweshwa ukufumyako kuli ulya umutuntulu, ilyo akesa pano, mwamona. Lelo cena cikesa shininkishiwa bwino bwino. Namwishiba ifyo Eliya ali; kabili mukamone cilya, kabili imwe—muli no kwishiba. Kabili ilyo ena. . . Nomba, abasalwa bakeshiba nomba.

⁵¹ Nomba bambi; bena mucine tabakacicite. Bena bakacilufya Cena, ba mailoshi million. Kwati. . . Ifwe twalipita muli fyonse filya, no kulangisha ifyo bamulufishe Yohane, ifyo balufishe Eliya, ifyo balufishe Yesu, ifyo balufishe bonse balya konse kulya kunuma. Kabili bali no kucita icintu cimo cine, pantu Baibele itila bakesa cicita. Mwamona? E ico kanshi, muli ilya nshita, Cikaba icapetama nganshi. Cikaba icayanguka nganshi. Cilya cika. . . bakalenga abantu ukuwa ukufuma kuli Cena. Cabe caanguka nganshi kuli bena. Tulesanga ukuti, kabili lyonse, ilyo abantu bacenjela no kusambilila, no kwishiba ifingi, bena bacita fye. . . Ulya e musango ucilufya cena, namwishiba. Mwamona?

⁵² Yesu tatalile ukusenda abantu ba musango filya (ukuba) abasambi Bakwe. Ena asendele abantu abashasambilila, abalondo be sabi, kabili takwali nangu umo uyo wailundile ne nkuta shabo ne fintu. Ena asendele fye abantu fye, abasonkeshe misonko, na balimi, na balondo, kabili na fimbipo, kukubomba umulimo Wakwe. Mwamona? Pantu, bena—bena baleshiba tabali nangu cimo, lyena Ena kuti apange cintu cimo ukufuma muli bena, mwamona. Ilyo lyonse ilyo baletwalilila ukutila tabali nangu cimo, lyena Lesa kuti abomba.

⁵³ Lelo ilyo baletontokanya ukuti balishibe icintu cimo, lyena, “Imwe tamwishibe icintu nangu cimo ico mulingile ukwishiba,” efyo Baibele isosa. Kabili ifwe, lyena, ifwe—tulesanga cilya.

⁵⁴ Kabili nomba, tulesanga ukuti, lyena, ukuti ishi nkama shilingile ukusokololwa.

⁵⁵ Kabili cinshi aba baume bambi, Weslye, Luther, na balya bakalungamika bakalamba, abo abaletele ukulekelelwa, ukusangululwa, inshita ya Pentecostal, no lubatisho lwa

Mupashi wa Mushilo, ne fintu, cinshi ico tabamwene ishi—ishi Mbila? Cinshi ico tabashipokelele Shena? Pantu bena bali ni bakalungamika. Mwamona?

⁵⁶ Kwati fye, cisendeni kulubali lumbi, kwaliko abantu abaishilemo abo abali “balikwete amaka nge shamfumu, lelo tabali ishamfumu.” Mwamona? Mwamona? Mulingile ukumona imilondolwele ya Baibele iya cintu icili conse. Mwamona? Nomba moneni. Lelo, ici, umulandu fyonse ifi fintu ifya lubile, ifyaciputulwa ca nkama palwa kulekelelwa, iciputulwa ica nkama ica kusangululwa, iciputulwa ica nkama ica lubatisho lwa Mupashi wa Mushilo. Kabili, cinshi, musango nshi acitile... Bushe Efa alile umuapele, atemwa bushe alile pomegranate, atemwa icintu cimo? Mwamona? Bushe... Ubufyashi bwa nsoka bwali ni cinshi? Kabili—kabili bushe ulubatisho lwaba mwi shina lyakwa “Tata, Mwana, Mupashi wa Mushilo,” atemwa Ishina lyakwa “Shikulu Yesu,” cisuma? Kabili, owe, imyanda iya filya fintu, fyalishele filya fine. Mwamona?

⁵⁷ Elyo kabili muli ora yakulekelesha, uyu muntu ali no kwisa no kusokolola icintu, mwamona, ukusenda Amalembo. Yena yakashininkishiwa bwino bwino. Lolekesheni. Ee, mukwai. Kabili, nomba, tacakabe icikalamba, icintu icikulu nomba. Cena cilemoneka kwati, umu muli Baibele, cikesaba icintu cimo icikalamba.

⁵⁸ Cali icikalamba mu musango nshi, ilyo Yohane alingile ukwisa kulya lubali no kubatisha! Tontonkanyeni fye nomba. Bakasesema, kunuma, ukuya fye kunuma kulya, Esaya, Malaki, kabili na bonse fye balandile pali wene, ilyo Ena akesa. Kabili ilyo Ena acitile, eka fye, umukote, umuntu ushasambilila, ne myefu pa cinso cakwe conse, kabili no bupipi ukusakalala kwati mutiti, kabili iciputulwa icikalamba icakale ica mpapa ya mpaanga ukupombwa pali wene; ukwabula amasambililo nakalya, tatalile ukuya ku sukulu ubushiku nangu bumo mu bumi bwakwe, ukulingana nge fyo twaishiba. Mwamona? Uyu alishile, ukufuma mu matololo, ena tali uwasengelwa mu cintamba, kabili aiminine kulya pa mumana wa Yordan no kutendeka ukubilikisha ku bantu ku kulapila. Bushe kuti mwaelenganya!

⁵⁹ Baibele itila, ukuti, “ifintu fyonse fikaba ifikalamba muli bulya bushiku, mpaka icakutula incende shonse ishasumbuka shikabe shabatama, kabili ne ncende shonse ishabatama shikabe shalundumanikwa.” Ee mukwai. “Kabili incende shonse ishalundumana shikalengwa ukuba ishabatama.”

⁶⁰ Cinshi, kuti naelenganya ukubamona kunse kulya, ukutontonkanya Yohane kuti aisamoneka, atemwa uyu katangilila umukalamba uwakwa Kristu, no kusenda fye

iciswebebe conse no kuya cibitamika, no kubikamo icani nakabili. Mwamona? Owe, bena, ndeelenganya balicikwete conse icateyanishiwa, kwati nge fyo bakwata ilelo.

⁶¹ Lelo, cali icapetama nganshi, nangula abatumwa balicilufishe. Batile, “Cisuma, cinshi ico Amalembo yasosela, nga ba. . . Imwe muleya kulya ukuyapelwa nomba? Cinshi ico Amalembo yasosela ukuti—ukuti Eliya abala ese ntanshi?”

⁶² Atile, “Ena alisa kale, kabili imwe tamwacishiba cena. Kabili, Umwana wa muntu, bakesa cita icintu cimo cine. Lelo, Yohane,” Atile, “bacitile fye ifyo fyalembelwe pali wene ukucitwa. Kabili bena bacitile kuli wene filya fine fye ifyo balingile ukucita. Kabili,” atile, “efyo no Mwana wa muntu akacula.”

⁶³ Cinshi, takwaliko, ndemona, iciputulwa icikalamba ica mutundu onse uwa ciYuda abatalile ukwishiba ukutila Yesu Kristu ali pe sonde. Tabacitile. . . Bena nalimo balyumfwile umo uwafulungana kulya lubali ku cifulo cimo, lelo tababikileko amano nangu yamo kuli cena, ukulaya fye. “Aishile ku Bakwe, kabili Abakwe taba Mupokelele.” Nomba, palya epo nacetekela nangula. . . Nomba, tayasoso kuti Ena akesa mu bumfisololo.

⁶⁴ Lelo Ukusendwa kukaba ukwa nkama. E ico nga cilya cali inkama nganshi, ilyo Ena aishile, cipulemo ifyo Kusendwa kukaba ukwa kukanaishibikwa! Mwamona? Bena tabakakwishibe. Filya fine bakesasosa, “Cisuma, ndetontonkanya twalingile ukukwata Ukusendwa. Kabili bonse ubu bupingushi pe sonde?”

⁶⁵ Akesasosa, “Kwena kwalicitika kale, kabili imwe tamwacishibe.” Mwamona? Cikesaba ifyo, kwati fye mupupu mu nshita ya bushiku.

⁶⁶ Kwati i—ibuku na belengele, inshita imo. Cilya citwa shani? Romeo na Juliet, filya efyo cali, atemwa icintu cimo? Ena alekele, asendele umutanto kumbali ya nga’nda, inshita imo. Ninda-. . . Cali akale sana. Kabili alishile, akwete iyakwe. . . ukufumya panse nshita ya bushiku.

⁶⁷ Nomba, ulya e musango uo cikesaba—cikesacitika, kabili cikesafumapo. Tacili, bakesa senda ibumba lya ba Malaika kulya, na mafosholo yamo, no kwimba inshinshi. Baibele itila, “Ifwe bonse tukapilibulwa, lintu fye nangula ilyo tamulakapa ilinso lyenu.” Ukukapa fye, cikesapwa conse, filya bwangu.

Ukusosa fye, “Umo muntu naluba.”

⁶⁸ Cisuma, kuti naelenganya nga twalifwailishe mwi sonde lyonse, ilelo, kwaliko abantu imyanda isano iya bantu ukuluba pe sonde cila bushiku, mwamona, bena tabaishibapo nangu cimo palwa cena. Bena baleisa fye, baleluba.

Cisuma, takwakabe abengi nganshi abakaya muli kulyo Kusendwa.

⁶⁹ Nomba, nshilefwaya ukumitinya, kabili ine—kabili ine—ine—nshiletontokanya cili muli ulya musango, lelo ndefwaya ukumweba fye ifyo Asosele. Kabili na mucishiba, imwe bene. “Nge fyo cali mu nshiku shakwa Noah, uko imyeo cinekonse konse yapusushiwe ku menshi. Imyeo cinekonse konse ukufuma mwi sonde, yapusushiwe ku menshi.”

⁷⁰ Cisuma, mulesosa, “Owe, mwe! Takuli umulandu wa ine ukweshwa.” Cilya cilelangisha imwe ta mukwete umusango wa citetekelo mufwaikwa.

⁷¹ Nga kuli nokubako fye—ukubako umo, ulya ali no kuba nine, ameni, pantu ndecetekela. Mwamona? Ulya e musango mulefwaya ukucicetekelamo, mwamona, “Cibe nine.” Mucine. Ndefwaya ukwikala mupepi nganshi na Wene, icakutila ninjishiba Ena ali no kusunda ilyo Akesa. Nalicicetekela. Cilya cishinka. E ico nga kulya . . . Nga uuli onse ali no kulufya cena, ine nkaba kulya, ku nkumbu Shakwe. Pantu, Ena alindaya cilya, kabili ninjishiba ukutila ine nka—ine nkaba kulya, pantu Ena teti abepe. Kabili ninjishiba umweo wandi no bumi bwandi bulapela bukamboni, kabili ndesha ukwikala cila bushiku kwati fye Ena aleisa, e ico ine—ine ndi no kuba ulya umo. Ulya e musango mulefwaya ukumfwilamo, “Nga kuli no kuba cinekonse konse, ndi no kuba umo uwabalya cinekonse konse; ngabali no kuba imyanda isano, ndi no kuba umo uwa balya imyanda isano. Nshaishiba palwa muntu umbi, lelo ndefwaya ukuba umo uwa balya imyanda isano.” Mwamona? Ulya e musango ndefwaya ukwibukishamo. Mwamona?

⁷² Kabili nga tamuleibukisha cena muli ulya musango, kuliko icintu cimo icalubana ne citetekelo cenu. Mwamona? Imwe ta muli abashininkisha ukuti mwalipusushiwa na nomba, lyena. Imwe muletunganya fye pali cena. Mwilacita ico. Cisuma.

⁷³ Ifwe tatwaye muli ici Cikakatikilo, bushe twalacita? Cisuma. Ndefwaya, cila nshita ya bushiku . . . Nshishibe nga cakutila mulensuminisha ukusenda inshita yenu. Ifwe kuti twaangufyanyako bwangu panono. Taili nganshi . . .

⁷⁴ Mu kusokolola ukwa ifi, ukwa ifi Fikakatikilo, ibukisheni, cena cili fye mu cituntulu vesi imo. Icakubalilapo, ndelanda ukubilisha kwa cena, vesi ya cibili. Nalimo ukulondolola ukwingi, kabili na fimbipo, kubelenga kwa cena, atemwa—atemwa ukubelenga kwa mano yabo; kabili nali—nali lyonse uwacetekela kwati mupepi bonse muli bena balacita, ukutila ulya uwaninine pali kabalwe uwa kubalilapo cali ni—cali lukuta lwa ntendekelo. Lelo ilyo Mupashi wa Mushilo asokololwele cena, cena cali mucine icapusana kuli cilya. Kabili e ico kanshi, fyonse ifyo cicita, ukulangisha fye ifyo cena cili. Elyo kabili ndeesha . . .

75 Nomba, kuli ine, ici cintu ica mushilo nganshi. Ulya e mulandu wine kuti natemwa ukwasuka aya mepusho. Kabili lekeni tuyakwate, cila muntu ukwishiba bwino, na pa matepu, napo, ukutila bena bali no kwiluka nomba. Mwamona? Nacesha ukulanda pa kashita, mu nshita ya bushiku, no kubwelelako kunuma, ku kulenga abantu. . .

76 Ukubutukilamo no kusunkilamo, kabili, imwe ta mulingile ukucita cilya. Mwamona? Lelo, ilyo cacita, bena bantunse. Kabili muntu mwakaba mu—muno, kabili imwe—kabili imwe muli abapamiwa.

77 Lelo imwe mwaliba bwino, bwino nganshi. Mu busuma ubo nshatala monapo abantu ukubelamo, mu tabernacle, caba ni muli kuno kulongana; no kwikala tondolo, kabili banacifyashi ukusenda utunya twabo mucipinda ca bana ilyo batendeka ukulila. Kabili ifintu fyonse fili bwino nganshi.

78 Lelo ndeesha ukubwekela kunuma pali yena mpaka naumfwa fye ukusubwa kwa Mupashi pali ine, ukusosa ifi Fyebo, ukusosa ico casokololwa kuli ine. Elyo kabili nga ni ncita, pa cifulo cimo, ukucita cilya, nga ni mpanga icilubo muno, mucine muno ku ntanshi ya bantu bonse Ena ali no kunungamikila cilya. Ine—ndecifwaya. Cena cili—cena cili. . . Ndefwaya Cena ukube calungama. Tacilefwaikwa ukusenda fye ico uleelenganya. Kuliko icintu cimo icalungama, kabili—kabili tulefwaya Cilya. Tulefwaya Lesa ukutupela cilya icili icalungama.

79 E ico nomba twasendele ici, aba abaninine, ilyo baleisa. Kabalwe uwantanshi, nomba, kabili tulemona ukutila ulya ali—ni munkanyakristu uyo waile. Kabili elyo tulesanga ukuti, mailo ubushiku, ukutila umuntu umo wine uyo waile nga munkanyakristu, nga kabalwe uwa buta, twaishile musanga no lupanga, mailo ubushiku, nanina, no kulaipaya abantu.

80 Nomba, nomba, lyonse kwabako icacifyalilwa ne ca bumupashi. Kabili pa mulandu wa Lukuta, ndefwaya ukupashanya, lintu fye tatulaisula ici Cikakatikilo.

81 Icili, ifyo Ena ampele, ni mfilemba apa. Ninkwata Amalemba ayengi pano, cinelubali atemwa amabula cinekonse konse aya yena, kabili ilyo ndesontelela kuli yena.

82 Moneni, ndefwaya ukupela icipasho, ica Lukuta, kabili no kucilenga ukuba palwalala nganshi icakutila imwe muli no kucimona. Mwamona?

83 Nomba, kwaliko nabwinga uwa cifyalilwa mwibala Iya Edeni. Ibukisheni mailo ubushiku? Ulya nabwinga wa cifyalilwa, ali umutemwikwa wakwa Adamu, tali umukashi wakwe ilya nshita, pantu ena ali talamwishiba nakalya ngo mukashi.

84 Nga filya Maria ali umukashi wakwa Yosefe, lelo ena tatalile ukumwishiba nakalya. “Ena asangilwe no mwana.” Mwamona?

⁸⁵ Nomba, ilyo Adamu aishibe umukashi wakwe, ena ali fye nabwanga kuli wene. Cisuma. Kabili tulesanga ukutila Lesa. . . Ena, ena aliwile mwi bala lya Edeni pantu alifililwe ukwikatilila ku Cebo cakwa Lesa.

⁸⁶ Nomba, Ena alishibe ukutila Satana akakakululwa pakati kabo, e ico Ena abapele i—icifulo ukwikala kunuma; ukuba cingilila. Cisuma, kulya, ni nani uwingeshiba icifulo icawamisha ica kucingililwako, ukucila Lesa, nga Ena aleesha ukusakamana abana Bakwe bene?

⁸⁷ Nga nalefwaya ukusunga bwino Yosefe wandi umunono, cisuma, munyina, ifintu fyonse. . . Kabili nalishibe ubumi bwakwe bwashintilile pali cena, cinshi, ine kuti. . . kabili nali uwalinga ukucicita. Cisuma, nga cakutila ilinga amafutu amakana yane, ne fyelamo, kuti—kuti caba cintu icingabomba, cilya ni ci. . . Ine kuti napanga lyena ama futu amakumi pabula, ukuba uwashininkisha, cilya.

⁸⁸ Kabili nga kuti natontokanya cilya pa mulumendo wandi umunono, (icili, nga bumi bwakwe ubufwa bwalilubile, ndecetekela umwana kuti apusushiwa,) cipulemo, kuli Lesa, ku Mwana Wakwe uyo uwingaluba Umuyayaya! Ni cinshi ico Ena enga mucingilila na co? Ena amubikile kunuma iya Cebo Cakwe Umwine. Ilyo lyonse muli muli cilye Cebo, imwe muli abacingililwa. “Nga mwaikala muli Ine, ne Fyebo Fyandi muli imwe, lyena lombeni ico mulefwaya.” Cilya eco, Icebo.

⁸⁹ E ico, Efa aile aletandala mwi bala, kabili ailesanga ali ku cisoka, umuntu uwalemonaka uwa busaka nganshi. Kabili ena. . . Kabili atendeke. . . Nomba, ena ali kulubali lumbi. Lesa ekala, alekala, alabomba mukupetama, tatala inshila imbi ili yonse. Mwamona? Nomba, umunono, na mayo uwapetama ukwenda kulya lubali, kabili Satana aishile ngo wa mano, uwa cenjela, umuntu uwapala uwabusaka nganshi. Kabili alefwaya ukumushitisha ubutantiko. Ilyo lyonse ilyo. . .

⁹⁰ Te mulandu umusango Satana ali palya; ilyo lyonse ilyo ena aikele fye kunuma ya ici Cebo, ali fye bwino. [Munyina Branham apampansha Baibele yakwe—Ka.] Mwamona? E ico, lekeni Satana acite conse ico alefwaya ukucita; ikaleni fye na cilye Cebo. Tacipanga ubupusano ubuli bonse.

Nga alesosa, “Cinshi, uli mulwele.”

“Kufilaso Fyakwe nalyundapwa.”

“Cisuma, uuli no kufwa.”

“Ena akambusha nakabili. Ena alicilaya.”

⁹¹ Mwamona, ikaleni fye kunuma ya Cebo. Epela fye. Kristu abutukile ku Cebo, Umwine. “Calilembwa.” Mwamona? Nomba, ikaleni kunuma ya Cebo.

⁹² Lelo, Efa, ena aishile tendeka ukulekelako, lelo ena talekeleko conse. Ena alekeleko fye akalishiwi fye akanono.

Kabili filye eflyo Satana alefwaya ukuti ena acite. Ena ali mufumishe kunuma ya bulayo bwakwa Lesa, pa kwelenganya.

Mwilaesha ukwelenganya pa Cebo cakwa Lesa. Mulecetekela fye Cena! Mwamona?

⁹³ E ico, alitampwileko ukufuma Kulya. Kabili lintu Adamu talati ese kuli ena, ukuba umukashi, ena alikoweshiwe kale na Satana. Kabili ena. . .

⁹⁴ Kabili bushe na mumona? Kristu acitile cintu cimo cine, filya fine. Nomba, ku kulubula, Lesa alingile ukuba kulya intanshi. Bushe na mumona? Maria, ilyo talaisa kuli Yosefe, Mupashi wa Mushilo walile kulya. Ameni. Mwamona? Kulya eko Kalubula aishile.

⁹⁵ Nomba, nomba moneni, umwanakashi wa cifyalilwa aliwile, na Lesa ali mupangile nshila iya kumulubwilamo. Nangula wene aliwile, Ena alipangile nshila.

⁹⁶ Nomba, ulya ali ni nabwinga uwa kubalilapo pe sonde, aliwile, lintu umulume wakwe na wene tabalaupana. Aliwile, pa—pa mulandu uwa—uwakwelenganya, mu cifulo icakwikala ne Cebo. Aliwile. Kabili awilile mu mfwa, ukupatulwa Muyayaya. Na ena, asendele umulume wakwe na fyonse ifyashala ifyalipo pe sonde. Aliwile!

⁹⁷ Nomba, lelo, Lesa, uwaisulamo uluse, apangile nshila ku kulubula ulyo mwanakashi. Kabili nomba Ena ali mulaile, ukumweba ukutila inshita imo, ku ntanshi, Icebo ica cine cikesa kuli ena nakabili. Icebo ica cine cikalengwa ukwishibikwa kuli ena. Nomba ibukisheni cilya. Pantu, Ena alilaya Kristu, ukupitila mu mwanakashi.

⁹⁸ Kabili Kristu e Cebo. Yohane Washila 1, “Mukutendeka mwali Cebo, kabili Cebo ali pamo na Lesa, kabili Cebo ali ni Lesa. Kabili Cebo aishileba ubuntunse,” mwamona, “no kwikala mukati kesu.” Lesa aikele mukati kesu mu mubili. Ena ali Cebo.

⁹⁹ Ilyo takulaba Cebo, cena litontonkanyo. Kabili itontonkanyo lilingile ukulengwa. Cisuma. Eico, amatontonkanyo yakwa Lesa yaishileba ifyalengwa ilyo yalandilwe, ku Cebo. Ni lilya ilyo Ena alepela cena ku—kuli imwe ngetontonkanyo, itontonkanyo Lyakwe, kabili lyena lilesokololwa kuli imwe. Kanshi, lyena licili litontonkanyo mpaka ilyo mwalanda cena. Ulya e mulandu wine. . .

¹⁰⁰ Mose aile mukupepa. Ilya Ntumba ya Mulilo ukumushinguluka, kabili Atile, “Kabiye, kasonte inkonto yobe kukabanga, no kusosa, ita ‘balunshi.’”

¹⁰¹ Takwali balunshi. Lelo alile no kusonte nkonto kulya, kabili Atile, “Nakube balunshi.” Takwali balunshi nakalya, lilya. Alibwelelemo. Lelo ifyebo, amatontonkanyo yakwa Lesa, nayalandwa kale. Cena cebo, nomba cilingile ukucitika.

102 Nomba tamulemona apo Yesu asosele? “Nga mwasosa kuli ulu lupili; tacili nga ine na sosa. Lelo *imwe* nga mwasosa kuli ulu lupili, ‘Sela.’”

103 Kabili icintu cakubalilapo, ndetunganya, mu nshita yakwa Mose, balunshi abakalamba abakulu abakafifi batendeke ukulila. Kabili, panuma yakashita, bali amapoundi yasano pali yard umo. Mwamona? Nikwisa uko bafumine? Ena... Lesa alibalengele. Bushe ta mulemona umusango. . .

104 Lesa kuti aonaula ili sonde muno bushiku, no—no tushishi, nga Ena alefwaya. Cisuma, Ena kuti atulika utushishi ukufika fye na ku mweshi. Icintu fye ceka ico Ena engasosa fye, “Nakube utushishi, ku mweshi.” Cilya fye ceka ecingabako kuli cena. Takuli imiti atemwa ifintu, fyena kuti fyatwalilila fye ukulakula, ukukula, ukulakula fye. Mwamona?

105 Ena kuti acita ifyo Alefwaya ukucita. Ena ni Lesa, Kalenga. Icintu fye ceka icakucita caba fye ukulanda cena. [Munyina Branham alisho munwe wakwe umuku umo—Ka.] Cilya cishinka. Ena ni Kalenga. Nomba, ifwe ngatwalikwete fye ukwishiba ifyo Ena aba umukalamba! Mwamona? Ena acita fye conse ico Ena alefwaya ukucita.

106 Alekala pa mulu palya no kulolekesha pa bantu, kabili aba bakafundisha abanono, ukuba na mataki, kabili, “Takwaba Lesa,” kabili—kabili ifintu fyonse. Uh! Cinshi, caba fye kwati bali ku Babele, nakabili. Babele, ntile.

107 Nomba tulemona ukuti Lesa aebele Efa, ukuti, “Panuma ya nshita itali nganshi, Icebo cilebwelela kuli imwe.” Nomba, musango nshi ena awile? Ndefwaya ibumba lyandi ukusosa cena. Ni cinshi awileko? Ni cinshi ico Efa awileko? Cebo. Bushe co cishinka? [Ulukuta, “Cebo.”—Ka.] Cebo. Kabili Lesa atile Ali no kupanga inshila ku kumulubula wene ukubwekela ku Cebo nakabili. Cisuma. Panuma ya nshita itali sana, Cebo cikesaishibikwa kuli ena. Cisuma. Cebo cali no kwisa pa mulimo umo nomba. Ikatisheni nomba, ico ndesosa. Cebo caile no kwisa kuli ena pa mulimo umo, ulya wali ukulubula. Cisuma.

108 Lelo, mpaka—mpaka lilya, ena alikwete icakupyanisha ico cali—ico cali no kubomba mpaka inshita yalifikile ku Cebo ca ntendekelo. Nomba imwe—imwe muleiluka bwino bwino? [Ulukuta, “Ameni.”] Mwamona? Ena alimwebele Cebo cali no kwisa kuli ena nakabili, lelo, mpaka ilya nshita, Ena ali mupele icakupyanisha mpaka ilya nshita ilyo yafikile. E ico, Ena amupele icakuninika icakupela, icakupyanisha pali ulya Mulopa.

109 Nomba, umulopa wali wa ngo'mbe shilume ne mpaanga, ne mbushi ne fintu, lelo tawasendele ulubembu. Mwamona? Wene wafimbile fye ulubembu lwakwe. Wene tawaufumishepo, nakalya. Wene walilufimbilikishe. Pantu, cali umulopa wa

nama, kabili mu mulopa wa nama mwaba ubumi bwa nama. Wene wali icakupyanisha mpaka icintuntulu...Nomba fwaleni amakoti yenu.

¹¹⁰ Utuntulu, Umulopa wa muntu, nge fyo abantunse bengaba, waishileba mu mubili (Lesa); ukwabula ukukumana, nacisungu, ukufyala kwa kwa nacisungu kwaletete cilya. Nomba Icebo cakwa Lesa, ubulayo, bwaishileba Umulopa, kabili caishile ikala mu mubili mu Muntu wakwa Yesu Kristu Kapususha. “Umulopa wa ngo'mbe shilume ne mbushi, kabili na fimbipo...”

¹¹¹ Lelo nomba loleleni. Apa Lesa apangile ubulayo, ukusosa cali nokuba kulya ilyo Cena caishile, “Ubufyashi bwakwe bukalasa umutwe wa cisoka.” Nomba, ngo bufyashi bwakwe bwaishile fye kwati ukufuma kuli Adamu, atemwa kwati cali ukufuma ku cisoka, kabili na fimbipo, lyena nalyo line kuti bwaba ubufyashi bwalubembu.

¹¹² Ulya e mulandu wine Yohane aishile lila. Takwali umuntu, pantu takwali umuntu...Cila muntu ali lulya lubali, ulubali lumbi ulwa cilindi, ici mukonko. Lelo kwali no kwisa inshita ukutila ilyo uyu mulopa uwakupyanisha uwanama ukesafumishiwapo, ilyo utuntulu, Umulopa uwa mubili waishile: Lesa, ukulengwa umubili no Mulopa. Baibele itila Ena e fyo ali. Timoti Uwantanshi 3:16, “Ukwabula ukutalikishanya ikalamba nkama iya bulesa: pantu Lesa amonekele mu mubili.” Cilya cishinka. Ukufyala kwa kwa nacisungu kwacitile ci.

¹¹³ Nomba, umulopa wa mpaanga ne mbushi fyafimbile ulubembu, lelo tafyafumishepo cena, pantu cali mulopa wa nama. Lelo cali no kuba fye bwino, cali no kuba icakupyanisha.

¹¹⁴ Kabili bena mucine bakwete—baishilebelesha cilye cakupyanisha, kabili e ico balitwalilile fye.

¹¹⁵ Kabili, ilyo, icituntulu, Icebo icabulayo calengelwe ukumonekela muli Yesu Kristu, Uyo uwashininkishe ukuba Alhwana uwakwa Kalenga umukalamba, Lesa; kabili alishininkishiwe, Umwine, pakuba Icebo cakwa Lesa ica mweo. Whew! Mwe! Alishininkishe ali ni Ena. Ena kuti alanda ifintu mukumonekela.

¹¹⁶ Takwaba umuntunse, atemwa—atemwa nangu cimo mwi sonde, icingacita cilya. Tapaba icintu nangu cimo pe sonde icingalenga, kano Lesa. Kasebanya tekuti alenge. Ena ni kapondamika wa ifyo ifyalengwa, lelo ena tekuti alenge. Ulubembu caba fye ubulungami ukupondamikwa. Namwishiba ico ndepilabila. Ubufi cinshi? Cena cine ukupelwa mumbi. Mwamona? Ubucende ni cinshi? Umulimo uwasuminishiwa uwalungama ukupondamikwa. Ifintu fyonse mulubembu, ulubembu caba fye Icine ukupondamikwa. Nomba, ena tekuti alenge.

117 Lelo ilyo Kristu aishile, ashininkishe Ena ali ni Kalenga. Kwaliko Umulopa uyo walailwe. Nomba nga mulefwaya ukubelenga cilya, imwe... Lekeneni tupilibule fye pali miniti. Ifwe twalasenda inshita pali ici, nangu cibe fyo, muno bushiku. Ine...

118 Cilampela umwenso. Ndetontonkanya umuntu onse alefwaya ukuya ku nga'nda, namwishiba. Kabili e ico cena cili i... [Ulukuta lwatila, "Iyo."—Ka.] Nomba lekeni tubule Imilimo ya Batumwa 2. Natotela. Kabili twalacita fye...

119 Imilimo ya Batumwa 2, kabili tuli no kusanga nga cakutula ici icalungama, atemwa iyo, nga cakutula Ena alishininkishiwe ukutula Ena ali ni Lesa. Cisuma. Tubule Imilimo ya Batumwa 2. Nomba lekeni twise apa pa vesi ya 22, Petro alelanda, Ubushiku bwa Pentecosti.

Mwe baume abena Israele, umfweni ifyebo ifi; Yesu umwina na Nasareti, umuntu uo Lesa alangile kuli imwe ne fipeshamano... ne fipapwa ne fishibilo, ifyo Lesa acitile muli wene mukati ka imwe, ifyo mwebene... bo... imwe mwebene mwaishiba:

120 "Umuntu uwashininkishiwa, ukutula cali ni Lesa mukati kenu." Ku fintu fine Acitile, ashininkishe ukutula ali ni Ena. Uyu apa Petro, ukwiminina pa Sanhedrin, ukubeba.

121 Nikodemu alishibe icintu cimo cine. Atile, "Rabbi, ifwe bonse twalishiba Imwe muli kasambilisha uwafuma kuli Lesa, pantu takuli umuntu uwinga cita ifi fintu kano ena afuma kuli Lesa." Mwamona? Bena balicishibe. Lelo mulandunshi?

122 Nomba moneni. Nomba, Efa bali mulaile ici. Lelo ilyo... Ulya Nabwinga aishile kulya, no kukana, ilyo Icebo icituntulu caishile kuli wene. E ico, umwanakashi alikene ukwishiba; nabwinga uwa ciHebere. Pantu, ena ali ni nabwinga uwakwa—uwakwa Lesa; Ena ali mulekele, mukumuleka. Bushe co cishinka? Ena ali ni nabwinga wakwa Lesa.

123 Mwatila, "Cisuma, bena bali tabalaupana nakalya." Cilya cishinka. Lelo Yosefe ali lekele Maria lintu... Ali no kuleka Maria lintu tabalaupana. Mwamona? Ena alimukobekele wene.

124 Kabili ilyo Aishile, kabili icebo ico Alaile, aishile ku bwinga, Ena asangile wene uwapombwa mu fyakupyanisha fyakwe, ububi nganshi, icakutula wene tekuti asende ubulayo ubutuntulu ubo bwapelwe, Icebo, Kristu.

125 Nalimo imwe tamuleumfwe ci. Nomba lekeni mpitulukemo muli cena nakabili. Ndefwaya mumfwe ici, mwamona.

126 Wene alilaiwe, (nabwinga, Efa), ukuba Kalubula. Kalubula wakwe ali no kuba Icebo. Kabili ilyo Icebo caishile, ukulengwa umubili, wene ali cikene Cena. Wene alipelwe ifya kupyanyisha. Nomba ikatilileni cilya, "icakupyanisha." Apelwe ifya

kupyanisha ukutwalilila, mpaka Kalubula alishile. Kabili ilyo Kalubula aishile, wene alefwaya ukutwalilila ne cakupyansha cakwe, kabili alikene Icebo ica cine. Mwacimona? [Ulukuta lwatila, “Ameni.”—Ka.] Kabili ulya ali Nabwinga wa ciHebere.

¹²⁷ Eco Ena acitile, kuli Efa wa cibili, nabwinga, nyina wafya mweo fyonse ifya bumupashi. Mwamona? *Efa* cipilibula “nyina uwa bonse,” cilya mupashi-... “fyonse ifya mweo.” *Efa*, “nyina wa fya mweo fyonse.”

¹²⁸ Nomba, kabili ilyo Aishile kuli Nabwinga wa ciHebere, wene ali ni nyina uwafya mweo fyonse, lelo wene alikene Cena.

¹²⁹ Efa wacifyalilwa aliwile, mu Edeni, pa kumfwila ukwelenganya kwa Satana ukususha Icebo cakwa Lesa. Ulya e musango awile. Cisuma, mukwai. Aliwile pa mulandu alicitile cilya.

¹³⁰ Efa wa bumupashi, nomba, lulya lukuta, nabwinga wakwa Kristu. Aliwile, te mu Edeni, lelo mu Rome, mwamona, ku Kabungwe ka ku Nicaea, ilyo akene. Lulyo lukuta lwa pentecostal lulya ulwaile ku Nicaea, no kumfwila ku kwelenganya kwa Roma, mucifulo cakwikatilila ku Cebo, lwaliwile. Kabili ifintu fyonse ukutalushiwa ukufuma kuli lwena, afwile pamo nankwe, ukushinguluka wene. Nomba, nga filya fine Efa wacifyalilwa awile, Efa uwa bumupashi aliwile. Nabwinga wakwa Lesa aliwile—ukuwa mwibala; Nabwinga wakwa Kristu awile mu Rome. Mwamona?

¹³¹ Moneni, ku kwelenganya kumo kwine, ku kususha Icebo cakwa Lesa, nao wine alufishe insambu shakwe isha bulumba, kuli Satana. Icili, twalisangile mukukakatula kwa ifi Fikakatikilo, ukutula ulya ali ni Satana, kabili acili ni Satana kulya. Baibele itila e cipuna cine icakwa Satana. Kabili nge fyo Efa alufishe ishakwe—insambu shakwe isha bulumba, no kushipela kuli Satana, mwi bala lya Edeni; ulukuta, Nabwinga wakwa Kristu, acitile icintu cimo cine ku Rome, ilyo bakene Baibele ku fisumino fyabo ne fya kwelenganya. Mwamona ifyo cilepashanya? [Ulukuta lwatila, “Ameni.”—Ka.]

¹³² Imwe mukakonke fye filye fipasho, muli no kuba fye abalungama. Ngo kuboko kwandi kulemoneka kwati...Nga nshatala naimonapo ne mwine, kabili ndemona icinshingwa candi cileisa, ndi no kwishiba fye ifyo moneka. Mwamona? Lelo, ulya e musango. Nga mulefwaya ukumona ico cileisa, lolekesheni ico calipo. “Pantu i...fyonse ifintu ifyakale fyali ifinshingwa fya fintu ifyaleisa,” eflyo Baibele isosa. Cisuma.

¹³³ Pantu, ena akene Icebo cakwe ica bulumba, Icebo cakwa Lesa, ilyo ashitishe Baibele, no kubika umuntu mulya uyu usoso kutila ulukuta lwalikwata insambu ukupilibula icintu icili conse ico balefwaya ukupilibula. Kabili bena balicicita. Kabili nabwinga wakwa Kristu, nabwinga wa pentecostal,

ashitshishe ubulumba bwakwe, ku Nicaea, nge fyo Efa ashitshishe ubulumba bwakwe kuli Satana mwi bala lya Edeni. Filya fine. Cisuma.

¹³⁴ Lesa alilaya; ulu lukuta, ulu lukuta lwa pentecostal, ukwishiba ukutula lwali no kucicita; nga filya Ena acitile kuli Efa, Lesa alilaya.

¹³⁵ Ulukuta lwa pentecostal, bushe mulecetekela ukutula lwalishitisha ububeli bwakwe, lintu...ubulumba bwaluko, ilyo lwena lwafumineko kulya? Bushe mulecetekela cilya? [Ulukuta, "Ameni."—Ka.] Lwena, mucine, lwena lwalicitile. Lyena busuma nshi icisumino cili, icishashintilisha pali iyi Baibele? Ndefwaya umuntu umo ukusanga ico citwa Icisumino ca Batumwa, atemwa ishiwi limo ilya cena muli Baibele. Cilya cisumino icaba Katolika, te cisumino ca batumwa.

¹³⁶ Imilimo ya Batumwa 2:38, cilya e Cisumino ca batumwa, nga ena alikwatako icili conse. Ee. Mwamona? Nomba, cilya eco balebomfya inshita yonse, ifyo fine. E ico nga imwe...Mwamona?

¹³⁷ E ico, bashitshishe ububeli bwabo. Te balya beka, Methodist, Babptists, Presbsterian, Pentecostals, abashala bonse, balicita cimo cine. Lwali pangile icilonganino. Rome, ni cinshi ica mulengele lyena ukucita cilya, lwalipangile icilonganino nokubikako umuntu ku ntanshi ya cena. Kabili ba Methodists, Baptist, Pentecostals na bonse fye, balicita icintu cimo cine, balibika ibumba lya bantu ku ntulo ya cena. Te mulandu ifyo Lesa alesosa, bena...Imwe mulingile ukucicita umusango basoselamo ukuti mucicite.

¹³⁸ Cisuma, cena nicinshi? Tacili nangu cimo mwi sonde kano fye ubulalalale bwa bumupashi, umwanakashi uwalubana; ee, mukwai, ifisumino, ifisumino, ifya bufi, ifyapangwa no muntu. Elyo lwaishileba, ilyo lwacitile cilya...Nomba nalashininkisha ici. Lwaishileba cilende, kuli Lesa. Bushe mulecetekela Baibele ilasosa cilya? Ee, mukwai. Abana bakwe abanakashi balicita icintu cimo cine.

¹³⁹ Nomba mu Kusokolola 17, nga mulefwaya ukulemba ici. Yohane alisendelwe mu Mupashi, "Kabili amwene cilende mukalamba naikala pali..." Kabili twalibelenga cena mailo ubushiku. Kabili kulya kwali impili cinelubali, kabili filya fine fye ifyo acitile. Kabili Wene alipele sonde ifyakowela fyakwe ifya bulalalale. Bushe co cishinka? "Kabili isha mfumu shonse isha pe sonde shacitile ubulalalale nankwe," ukubepa, no kwiba, no bufi, no kulipila pa kulapila, kabili—kabili ba novena, kabili ne fintu fimbini ifyashala.

¹⁴⁰ Cisuma, nomba ibukisheni, alikwete abana banakashi. Cisuma, nga lwena lwaishileba umubili, kabili ukupitila mu mibombebe ya kabungwe, kanshi imibombebe yonse intu yalubana. Kabili nga Efa, mukukana nakila Lesa, aposele

ifintu fyonse mumfwa, ifyali pesamba lyakwe; kabili ulukuta lonse ulubunganya, lulaposela ifintu fyonse kumfwa, pe samba lya lwena. Filya fine fye. Icintu conse naciya. Cilya ni filya fine ukulingana ne Cebo apa. Belengeni Ukusokolola 17. Kabili Baibele isoso kutila Ena akesa “moca no mulilo, kabili na bana bakwe pamo nankwe.” Cilya cishinka. Ico cilepilibula, imibombe yonse iyakabungwe ikapya, pamo na cilende.

¹⁴¹ Nomba, cilya cileumfwika palwalala, kabili ine—ninjishiba muli no kumfwa ukufuma kuli cena, kabili ine—ndefwaya ukumfwa kuli cena. Kabili ine—ine. . . Cilya cishinka, nangula. Baibele eflyo yasosa, ico cilacilenga cena ukuba icalungama.

¹⁴² Wene aishileba “cilende.” Imwe kuti mwabelenga cena mu Kusokolola, icipandwa ca 17. Wene, ni finshi ifyo acitile? Wene acitile ubulalelale, ku Mulume wakwe umwine. “Cisuma,” mwatila, “iyo, ilya ni Baibele.” Icebo ni Lesa. Kabili nga mwasenda icintu cimo. . .

¹⁴³ Bushe kuti mwafwaya umukashi wenu ukufyompana no mwaume umbi? Nga ena tacitile ukucila cilya, imwe teti mufwaye ena ukucicita. Ena kuti ashininkisha ukukana ba uwa cishinka.

¹⁴⁴ “Uyo onse ukafumyako Icebo cimo ukufuma kuli Cena, atemwa ukulundako cimo kuli Cena.” Aleluya! Kristu alefwaya Umukashi Wakwe ukuba uwasanguluka ne Cebo. [Munyina Branham akonkonsha pa cintamba imiku ine—Ka.] Ulya e musango Wene alingile ukuba.

¹⁴⁵ Pantu, nangu kamo, nangu kamo akanono, atemwa kantu, atemwa icintu icili conse, atemwa icakulumbwilako, cikapita ukufuma kuli yalya amafunde, atemwa ukufuma muli lilye Buku, mpaka Cena conse cikafikilishiwe. Yesu atile, “Fyonse imyulu ne sonde fikapita, lelo Icebo Candi tacakapite.”

¹⁴⁶ Mwilabikako ubwilulo ubwa kumbali ubuli bonse kuli Cena. Ena afwaya icasanguluka, umushaba nakabi, nangula ubulalelale. Teti mfwaye umukashi wandi ukucito bulalelale no mwaume umbi. Kabili ilyo mwatendeka ukumfwila ku kwelenganya ukuli konse, ukuciluka Cilya, imwe muleumfwila, imwe mulecita ubulalelale na Satana. Ameni! Bushe cena tacilemulenga imwe ukumfwa bukapepa? [Ulukuta lwatila, “Ameni.”—Ka.] Lesa alefwaya imwe ukwikala ukwabula akabi. Ikaleni palya pene na cilya Cebo. Ikaleni fye na Cena. Cisuma.

¹⁴⁷ Lesa alilaile kuli wene, nge fyo Ena acitile kuli Efa mwi bala lya Edeni, kuli uyu Efa uwakulekelesha pano. Icili, ulukuta lwa pentecostal, intendekelo ya lukuta, ulukuta ulwine, ni nyina wa bantu bonse aba mweo, pantu, ilyo lyonse ilyo baya mulya. Lelo, mulemona, ilyo basenda imembu shakwe, balafwa pamo nankwe.

148 Apa paisa umuntu umunono. Atila, “Ine—ndefwaya ukubombela Lesa.”

149 Batila, “Cisuma, ici apa ico mulingile ukucita. Kabiye ni kulya no kulapila.”

“Cisuma, ndi no kucicita. Ubukata kuli Lesa!” Kabiye ni kulya lubali, ukulapila.

150 “Nomba isa uilunde kuli ifwe.” Kulya, mwacimone co. Uh-huh. Mwamona? Cilya e co. Huh! Cilya cishinka, ukufwa pamo na cena. Mwamona? Mwamona? Cilya cili fye . . . Cilya eco ili Buku lisambilisha, mwamona, te filya ifyo ndesososa. Pantu, Lilesosa Apa, ifi fine. Cisuma.

151 Nomba, Lesa ali mulaile, nge fyo Ena acitile Efa. Aebele Efa kukesaba inshita ilyo i—Icebo cikesa kuli ena nakabili. Nomba muleibukisha cilya? Ifyo alufisheko, fikesa bwekeshiwapo. Pantu, kwaba fye Icintu cimo cingabwekesha, kabili cilya Cebo. Filya fine.

152 Natile, lisheni mfuti; nga tamulashile pa cakulasapo, mona uko yaile. Ulingile ukubwekela kulya no kutampa nakabili. Mwamona?

153 Kabili nga mwabwekela kunuma, mulaya ku Nicaea. Kulya eko mutampila nakabili, mwamona. Kubwelelamo, kutaluka ukufuma kuli tulyo tubungwe, ukutaluka ukufuma kuli lulyo lonse lukuta. Ifwe tulemona ifi Fikakatikilo mukupwililika fye.

154 Ine lyonse nalesunguka, ubumi bwandi bonse, cinshi nalesushisha imibombele ya tubungwe. Te bantu, iyo. Abantu baba fye nga ine atemwa imwe, atemwa uuli onse uwashala. Lelo ilye mibombele, ilye mibombele ya cilonganino, nomba ndeimona pano pene. Nshatalile ukwishiba mpaka nomba. Kabili cilya cishinka.

155 Lesa alilaile Efa wa bumupashi, mu musango umo wine nge fyo ena acitile Efa wacifyalilwa, ukutila nakabili Icebo cikabwekeshiwa kuli ena. Munshiku sha kulekelesha Ena ali no kubwekesha ku Lukuta, ku Cebo ca ntendekelo nakabili.

156 Nomba lolekesheni nganshi. Ine—ndefwaya imwe ukuba abashininkisha nomba. Lesa alilaile Efa, inshita ikesa ilyo Icebo cikabwekeshiwa ku wa Bufyashi bwakwe. Ici Cebo, Icine, cikesaba Imbutu. Kabili ilyo bapela wene icakupyanisha, wene aikatilile icakupyanisha. Kabili ilyo Icebo caishile kuli wene, ni cinshi ico wene acitile? “Nshilefwaya Cena.” Cali icaicefya nganshi. Tacamoneke bwino, kuli wene. Tacali icawaminishiwa nganshi. “Amalimba? Owe, mwe! Mwe! Mwauume nga filya, nangula ubushiku bumu musukulu? Cisuma, ine tekuti nsumine Cilya. Ulya te Mesaya. Umwauume lekeni abaume bamutamfye Wene uku no ku nga filya, elyo

ukwita Cena ‘Mesaya’? Lekeni bena bakake nsalu pa cinso Cakwe, elyo no ku Muma pa mutwe? Kabili Aitile Umwine Kasesema, Kasesema uwa cine, alimine?”

¹⁵⁷ Mucine, bena tabaishibe bakasesema. Yesu eflyo asosele. Atile, “Nga mwalishibe bakasesema, imwe nga mwalinjishibe Ine.” Cilya cishinka.”

¹⁵⁸ Nomba moneni. Lelo ilyo Icebo caishile kuli wene, umusango, filya fine fye umusango Lesa asoselemo Cena cali no kwisa; wene akwete Cena ukwelenganishiwa mu musango umbi. Ndelanda pali nabwinga, nabwinga wa ciYuda, na bwinga wa ciHebere. Ulya ali ni Efa, icakubalilapo. Lyena ilyo Cena caishile kulya, wene talefwaya Cena. Wene alefwaya ukwikala ne fya kupyanyisha fyakwe.

¹⁵⁹ Nomba, Lesa alilaile Efa wa bumupshi, pa Pentecosti, alilandile cena nelyo tacilacitika, imyaka imyanda ine lintu ulukuta talulawa, ukutila bali no kuwa, kabili bena bali no kucita ifyo bacitile. Lelo, Ena alilaile, mu nshiku sha kulekelesha Ena ali no kutuma Icebo nakabili.

¹⁶⁰ Yesu alandile icintu cimo cine ilyo Ena alipe sonde; Ena ali no kutuma Cena nakabili. Kabili ni cinshi. . . Ni cinshi Cena cikasanga? Cena cikasanga icintu cimo cine ico Cena casangile ilyo Cena caishile ntanshi. Cisuma. Bena balikwata. . . Bena, balefwaya ifyakupyanyisha fyabo. Balefwaya icilonganano cabo. Balefwaya ifisumino fyabo. Balefwaya ukwikala umusango balefwaya ukwikalilamo. Kabili balefwaya, “Cisuma, nine *Kampanda-na-kampanda*. Naba ku ica *Ifi-ne-ca ifi*.” Tacipanga ubupusano ubuli bonse ifyo Lesa alecita, umusango aleilangishamo Umwine; Ena kuti abusha abafwa; Ena kuti alanda inkama sha mu mutima; Ena kuti acita ifili fyonse ifyo Baibele yasosa Ena akacita. Cilya tacipanga ubupusano ubuli bonse. “Nga tacili icasuntinkana na kabungwe kandi, takuli nangu cimo kuli cena.” Mwamona?

¹⁶¹ Icintu cimo cine ulya nabwinga uwa ciHebere acitile, cilya cishinka, mwamona, bena baumfwile ku cakupyanyisha cabo. Kabili Lesa alibalaile icituntulu. Kabili ilyo icituntulu caishile, bena tabalefwaya Cena. Cali icapetama nganshi.

¹⁶² Nomba cabe cintu cimo cine ilelo, ilyo—ilyo Cena caisamonekela. Nomba, Lesa alisosele, muli Malaki 4, ukuti Ena akatuma Imbila mu nshiku sha kulekelesha, iyo ikabwekeshapo. Yoele atile, “Nkabwekeshapo imyaka yonse.” Ifintu fyonse ifyo Rome alile, ne fintu fyonse ifyo ba Methodist balile, ne fintu fyonse ifyo ba Baptists balile, ukufuma kuli ulya musambo uwa ntendekelo uwa pentecostal, Lesa atile, “Nkabwekeshapo mu bushiku bwakulekelesha.” Cilya cinshika.

¹⁶³ Kabili Ena kuti atumina umuntu wa musango filya uyo uuli no kuba. . . Icintu fye ceka ico Lesa atalile ukutumako

Icebo Cakwe cali ni kasesema, tekuli bakalungamika; kuli bakasesema. Tacali ora kuli cena. Nomba cileisa kuli ora, kabili ulya e mulandu wine tulelelela cena ukwisa. Cena cikaba icapetama nganshi kabili ukunakilila! Kabili e ico... Owe, mwe!

164 Muletontonkanya balya ba Methodist abakankala, Baptists, na ba Prebysterian, Pentecostals, bakatala ukupokelela cena?

“Owe,” mwatila, “Pentecostals?”

165 Ba Pentecostal e ba Laodikea. “Abacuma, kabili tabakabila akantu.”

166 Itila, “Imwe tamwaishiba ukuti muli ababusu.” Limbi kuti mulekula ifikulwa ifya ma dollar ba million, lelo mucili ababusu, ububusu bwa bu mupashi.

“Owe,” mwatila, “Nde Cimona conse.”

“Muli mpofu!”

“Cisuma,” mwatila, “Les a palwe, ni mfwala.”

“Ubwamba!”

“Cisuma, ndi uwashininkisha pa balumendo besu. Twalikwata ba serminary. Ifwe...”

167 “No kucishiba tamwacishiba.” Nomba cilya lubali lumbi. Nomba, nga Baibele isoso kutila Ulukuta lwa Laodikea lukaba muli ilye mibele... .

168 Kabili takwaba umuntu pe sonde uwingakana ukuti ino te nshita yakulekelesha, pantu, ulukuta lwa Nshita ya Laodikea, atemwa, ulukuta ulwa nshita iyalenga cinelubali. Kabili, ifwe tuli pano, imyaka amakana yabili iya cibili ilecipwisha. Takuli nakabili inshita sha lukuta nashimbi. Ulya e mulandu wine imwe ba munyina ba Mfula ya Kulekelesha te kuti mutampe akabungwe kambi. Takwakabe nakambi. Cilya cishinka. Cena cili ku mpela. Amen. Te kuti kube inshita sha nkuta na shimbi. Cena na cipwishiwa.

169 Lelo kanshi nge mbila ya ba pentecostal yali ni mbila ya kulekelesha... Icili, ukulungamikwa, ukusangululwa, ulubatisho lwa Mupashi wa Mushilo, imbila shitatu isha kulekelesha, inshita sha lukuta shitatu isha kulekelesha shilepanga Ukufyalwa ukwapwililika.

170 Kwati fye ilyo mwanakashi alekwata, ali no kukwata akanya kakwe; icintu ca kubalilapo icicitika menshi, icintu icikonkapo mulopa, icintu icikonkapo mweo.

171 Ilyo baipeye Yesu palupanda, ifintu fyalifumine mu mubili Wakwe, ukupanga icipya... ukupanga u—Ukufyalwa. Balilashile kulubali Lwakwe, Umulopa na menshi fyalifumine, kabili, “mu minwe Yenu napela Umupashi Wandu.” Ico icafumine mu mubili Wakwe cali menshi, Umulopa, Umupashi.

172 Nomba, Yohane Wantanshi 5:7 ilamweba palwa cilya, “Kwaba fitatu ifipela ubunte mu Mulu, Tata, Cebo (uuli ni Kristu,) kabili Umupashi wa Mushilo.” Kabili ifi fitatu fisuminishanya muli cimo; tafyaba cimo, lelo fisuminishanya muli cimo. Kabili kwaba fitatu ifyo fipela ubunte. . . Atemwa, “fyaba umo,” ndepilibula. Nindufyanya palya, “Kabili fitatu filapela ubunte mwi sonde, fyaba amenshi, Umulopa, no Mupashi, kabili filasuminishanya muli cimo.”

173 Imwe kuti mwasangululwa ukwabula ukulungamikwa. Kabili kuti mwalungamikwa ukwabula ukusangululwa. Imwe kuti mwasangululwa ukwabula ukupokelela Mupashi wa Mushilo. Cilya ni filya fine.

174 Abasambi, muli Yohane 17:17, balisangulwilwe no kupelwa amaka ku kutamfya ifiwa, lelo nalyo line Mupashi wa Mushilo. Mwamona? Mucine. Balingile ukuya ku Pentecosti, no kulolela mpaka Mupashi wa Mushilo aishile.

175 Palya epo Yuda alangishe imisango yakwe. Mwamona ifyo ulya umupashi wabombele mu musango wa uko ukupitila mukulungamikwa, ukusangululwa? Lelo ilyo caishile ku mpela, alilangishe imisango yakwe. Mwamona? Cilya cishinka.

176 Nomba, moneni, nomba, kabili pano tuli pa mpela ya nshita. Kabili Efa wa bu mupashi, nga filya fine nat-. . . nge fyo Efa wa ciHebere alaiwe, nabwinga wa ciHebere alilaiwe Icebo ukubwekela. Kabili nabwinga uwa bumupashi ukufuma ku Pentecosti, ilyo awile ku Nicaea, kanshi alilaiwa mu nshiku sha kulekelesha ukuti Icebo cikesa nakabili. Nomba mwatila, lyena. . .

177 Mulefwaya Ilembo nalimbi, isendeni umu, Ukusokolola 10. Kabili atile, “Muli ora, inshita iya—iya malaika uwakulekelesha, malaika uwalenga cinelubali (inkombe iyalenga cinelubali) akatendeka ukubilisha, inkama yakwa Lesa ikapwishiwa.” Mwamona? Ukubwekeshiwa ukubwelela ku Cebo! Baibele isoso kutila iyi nkombe ya nshiku sha kulekelesha ikaba, “Ukubabwesha ukubwelela ku Citetekelelo ica ntendekelo nakabili, ukubwekela ku Citetekelo icaba shibo.” Lelo bushe muletontokanya bena bali no kupokelela Cena? Iyo, mukwai. “Munshiku sha kulekelesha, Ena ali no kubwekeshiwa Icebo ca ntendekelo nakabili,” nge fyo Ena asosele muli Malaki 4.

178 Lelo ena alilufishe. Nomba, ena alilufishe cilya Cebo ku Nicaea. Efa alikene mu Edeni; Efa alikene icakwe pa Kalbale. Kabili ibumba lya Nicaea lilekana Cena mu nshiku sha kulekelesha, cimo cine fye. Mwe!

179 Lelo ilyo Icebo caishile mu buntunse, ena, Efa, ulukuta lwa ciHebere, nyina wa fya mweo fyonse ifya bu mupashi, Cena lilya, ena alikene Cena. Ena alifwile nganshi, mu ntambi shakwe ne fisumino, icakutula ena alicilufishe Cena. Efyo no uyu ali, filya fine fye. Cisuma.

¹⁸⁰ Balamulufya Wene, Icebo ica mweo cilemonekela mu mubili, ku Cebo cilya icalaiwa. Icebo calaile ukucita ifi fintu. Bulayo bwalipelwe, ukutila cikaba nge fi mu nshiku sha kulekelesha. “Nge fyo cali mu nshiku sha Sodomu, efyo cikaba na Mukwisa kwa Mwana wa muntu.” Nomba moneni ici cacitike mu Sodomu. “Nge fyo cali mu nshiku shakwa Noah, efyo cikaba na mukwisa kwa Mwana wa muntu.” Mwamona? Moneni ico cacitike lilya. Mwamona? Nomba, Ena asosele ukutila cikaba icintu cimo cine, kabili tuleikala muli bulya bushiku. Cisuma, kabili kuti caba, ndemona, kuti nasenda amabulayo imyanda mutanda iya fyena nga filya, ukufuma mu Malembo, ukusontelela fye kuli yena. Mwamona? Nomba, lelo, balakana Cena.

¹⁸¹ Alikatilile ku ntambi shakwe ne cakupyanisha, mucifulo ica i—i . . . Ena aikatilile ku cakupyanisha ca mulopa, mu cifulo ca Mulopa wine wine. Yesu, Icebo, atile, ilyo Cena casokolwelwe kuli wene, “Pantu aikatilile kuli ishi ntambi . . .” Yesu, Icebo icasokololwa, atile kuli nabwinga, nabwinga wa ciHebere, “Pantu ulekatilila ku ntambi shobe we mwine, ulalenga Icebo cakwa Lesa ukwabula ukukwata amaka pali iwe. Cena tekuti cikwate amaka.”

¹⁸² Nomba ulya e mulandu wine ilelo, ukuti, u—ukupuputulwa uko twalingile ukukwata, twalikwata ukupuputulwa kwa filonganino. Tatulakwata ukusunkanishiwa ukwine kwine. Iyo, iyo, iyo. Iyo, mukwai. Mwitontokanya ukutila natukwata ukupuputulwa. Tatukwete. Owe, nabakwata ba million na ba million na ba million bamembala wa lukuta, lelo takuli ukupuputulwa ukuli konse. Iyo. Iyo.

¹⁸³ Na—Nabwinga talati akwate ukupuputulwa na nomba. Mwamona? Takulati kube ukupuputulwa kulya, takuli ukusokololwa ukwa kwa Lesa ukwa kusunkanya nabwinga na nomba. Mwamona? Ifwe tulelelela kwena nomba. Kukasenda filya cinelubali ifibulumo ifishaishibikwa kunuma kulya, ukushibusha Wene nakabili, mwamona. Ee. Ena akatuma kwena. Ena alicilaya. Nomba moneni.

¹⁸⁴ Nomba, ena ali—ena alifwile. Kabili nomba nge nkuta kuti shalabako ifisumino fyabo, no kulabako ifishilano fyabo, no kusenda fye Baibele, ukupapatila ubulayo, lyena kuti caba icamaka kuli bena. Lelo, mwamona, Yesu atile, “Imwe, ne ntambi shenu, mulalenga Icebo cakwa Lesa ukukanaba ica maka kuli imwe.” Cisuma, cilya cintu cimo cine ilelo na Efa uwa bu mupashi, mwamona, nabwinga uwa bumupashi uwe lelo, uwitwa ukuba, ulukuta. Ena alasenda Icebo cakwa Lesa, kabili tekuti asumine Cena. Kabili ena alasumina ifisumino, mucifulo. E ico kanshi, Icebo tacakwata amaka kuli wene, mwamona, pantu aleesha ukubikamo iciisumino cakwe ne Cebo, kabili teti cibombe. Nomba, ico tufwaikwa ilelo . . .

185 Ndetwalilila fye ukubelenga fye ici pano, *Ukubilisha kwa Kwisa Kwakwe*, umutwe we lyashi, “tulefwaya kasesema ukubwela! Tulefwaya kasesema ukubwela!” Kabili ndemona, iyo akabwela, bena tabakeshibepo nangu cimo palwa cena. Ici fye. . . Cilya cishinka. Cena lyonse caba muli ulya musango, mulemona. “Ifwe tulefwaikwa Cena,” ifintu fyonse ifyo mulendapo, “tulefwaya kasesema ukubwela, uyo uli nokuleta Icebo cakwa Shikulu, ukwabula umwenso. Tulecetekela Baibele yalilaya Cena.”

186 Nomba, ninjishiba Munyina—Munyina Moore na bena, balaya mu nga’nda yakwe, ne fintu fimbi ifyashala, kalemba. Kabili ena muntu musuma nganshi uyo—uwendela mu nsapato isha mpapa, ndemona, umo pa bantu abasuma. Lelo, mwamona, ena alishiba tulingile ukukwata cilya. Kabili Nkashi Moore, umo pa banakashi abasuma, umunono. . . umuntu umunono umubusu, kabili bena balaculilapo.

187 Kabili lilya ni limo pa mapepala ayawamisha mwi bala, ukutontokanya kwandi, lyaba *Ukubilisha Kwa Kwisa Kwakwe*. Lelo muli no kusanga ukuti, balatwalilila ukubilisha cilya, “Tulefwaikwa kasesema! Tulefwaikwa kasesema!” Mwamona? Mwe! Cilya eco balandapo.

188 Elyo kabili ifwe tulipano, ilelo, kabili nga filya cali mailo ne lelo, ukubilisha pa mulabasa, ukuti. . . kabili nkuta sha Baptist kabili na fimbipo, ukuti, “tatulingile ukusuminishanya na ba Katolika, lelo tulingile ukukwata isenge pamo nabo.” Mwamona?

189 Kabili pano pene, Imbila ileya kunse muno mwine, namo, “Talukeniko ukufuma kuli cilye cintu ica bwanga!” Mwamona? Mwamona? “Musango nshi babili bengendela capamo kano basuminishanya?” Ulubuuto ne mfifi tekuti fyampane capamo. Iyo Ulubuto lwaisamo, imfifi ilafumamo. Mwamona? Yena tekuti. . . Icakwatisha amaka nganshi! Imwe te kuti mu shimye ulubuuto, ne mfifi. Imwe kuti mwafumyapo imfifi, no Lubuuto. Cilya cishinka. Kabili Ena e Lubuuto, kabili Ena e Cebo. Mwamona? Nomba, mwacimone co, ukubwelela fye kunuma. Imwe teti mulenge Cena ukubepa atemwa ukucite cintu icili conse icalubana. Cena cilabwelela fye kulya kwine kunuma pa cifulo nakabili. Ee, mukwai.

190 Kwati fye muntu umo nga tendeka, ukutalikishanya na imwe; nga mwalishiba apo mwaiminina, mwalishiba ifyo acetekela.

191 Kwati fye ukusenda kalulu no kumukakulula mwi cinka, kabili na mucilika utulindi tonse. Iminineni fye pa mpongolo; ena ali no kubwela. Cilya fye ceka eciliko kuli cena. Mwamona? Ena alingile ukubwelela kulya kwine ku mpongolo nakabili, pantu ilya e nshila yeka enga fuminamo panse. Ena

akabika umutwe wakwe ukupula *umu* kabili mupepi fye no kukontola umukoshi wakwe; kabili ukuya *palya* lubali, *palya* lubali. Iminineni fye no kulumulolekesha, kabili ena ali no kwisa bwela nakabili. Mwamona? Epela fye.

¹⁹² Ulya e musango fye weka uwakucitilamo. Ikaleni na cilye Cebo. Imwe kuti mwabilisha monse fye, ne fisumino fyenu, ukukontola fye umukoshi wenu ukuli konse, lelo mulingile ukubwelela fye kuli ici Cebo. Mwamona? Ee, mukwai. Cena ni fyonse ifya Cena.

¹⁹³ Nomba, mwamona, bena—bena—bena—bena tabafwaya Cena. Bena tabafwaya Icebo cakwa Lesa. Pantu wene aliikatilile ku ntambi shakwe, wene alengele Icebo cakwa Lesa ukukana kwata amaka.

¹⁹⁴ Cimo cine nomba, pali Efa wa bumupashi. Ena talefwaya cilya. . .Ena alefwaya ukusunga intambi shakwe, no kutaluka ukufuma ku Cebo cakwa Lesa. Ena alekatilila nakabili kufilonganino, ne fisumino fyabo ne ntambi shabakalamba bakwe, mu cifulo cakusenda Icebo cakwa Lesa.

¹⁹⁵ Kabili ilyo bulayo ubwa Cebo, mu nshiku shakulekelesha, bwaletelwe kuli wene, ena takapokelele Cena, pantu, ne ntambi shakwe, nga filya nabwina wa ciHebere acitile. Icebo icituntulu, nangula calimonekele, ukushininkishiwa, ukulangishiwa, wene tekuti acikwate Cena. Mulandu nshi ena teti acitile? Pantu kulya kuli icipasho cakwe. Ena tekuti acicite. Cilya cishinka. Ena teti acimfye icipasho cakwe. Mwamona? Kabili calilandilwa kabela ukuti ena akacicita, e ico musango nshi wingatalusha ukufuma ku cintu icili conse?

¹⁹⁶ Nomba icintu fye ceka ica kucita beni fye aba nsansa isho mwabamo. Epela fye. Akuloleleni fye cena. Cisuma

¹⁹⁷ Lesa alilaile, mu nshiku shakulekelesha, ukutila Ena akalangisha no kushininkisha Icebo Cakwe kuli wene, kabili nalyo line ena tekuti acicite. Fyonse filya, Lesa ali mulaile, ku babomfi Bakwe, bakasesema. Lesa alilaile, ukupitila muli Paulo. Lesa alilaile, ukupitila muli Malaki. Yohane. . .Lesa alilaile, ukupitila muli Yohane kasokolola, bonse balya bakasesema, filya fine fye ifyo Imbila ya kulekelesha ikaba kuli wene. Nomba, nga mulefwaya ukulemba cilya; mucine, imwe bonse mwaliyeshiba: Yesu, Yohane 14:12; na Yoele, Yoele 2:38; Paulo, Timoti Wacibili 3; Malaki, icipandwa ca 4; na Yohane kasokolola, Ukusokolola 10, ikumi limo na cinelubali, cimo kunshita ikumi limo na cinelubali. Mwamona, filya fine ifyali no kucitika nomba! Kabili, kulukuta, cena ni Cinshi? Icebo mu mubili ukulengwa mu buntunse mukati ka bantu Bakwe nakabili! Mwamona? Kabili bena tekuti bacetekele fye Cena.

¹⁹⁸ Namwishiba ifyo Yesu asosele ilyo Amwene Ena. . .ilyo Ena acitile filye fipeshamano ku ntanshi yabo,

nokushininkisha ukutila Ena ali ni Lesa? Ukushininkisha cilya, ifyo Ena alecita. Efyo Ali. Ena alicitile filya fine. Ena—Ena atile kuli bena, Atile, “Owe, iwe, Kapenaum, iwe wewasansabikwa mu mulu, nge milimo iyali...imilimo ikalamba yalicitilwe mu Sodomu, iyo yacitwa muli iwe, wene ngepo waba ilelo.” cilya cishinka. Kabili mu Kapenaumu, Ena tatalile ukucita icintu nangu cimo, lelo ukundapa abantu abanono, nokubeba ifya nkama ifya mu mitima yabo, no kufuma panse. Uh-huh. Epela fye. Mwamona?

¹⁹⁹ Bena tabaishiba ifyo imilimo ikalamba yaba. Bena batontonkanya cilingile ukuba imitantikile ikalamba ikulu uko muntu onse e minina, kabili kapingula alapela ilyashi, kabili—kabili abalishe nyimbo balemba, kabili amalangi yalapupuka, kabili i—kabili abanakashi abafwala bwino, ne fyabo...kabili ukulolela, kabili bonse ba P.h.D, LL.D’s, kabili ifikulu, ifisote ifitali, ne nteneshi ishapilibulwa, ne fintu fyonse, bena bonse balingile ukwisamo. “Cilya cintu cimo icikalamba.”

Lesatila, “Cilya buwelewele.”

²⁰⁰ Kabili Ena aleleta icintu icinono ico icishaishiba ubupusano ubwaba pakati nalimo ABC’s, nangu panono, no kubomba icintu cimo ico cibika Ulukuta ulwa cine pa mulilo. Kabili abashala muli bena batila, “ibumba lyabakakunkuluka wa mushilo.” Lesa eta *Cilya* “cikalamba,” kabili isonde lita Cena “ubuwelewele.” Isonde lita *cilya* “cikalamba,” kabili Lesa eta cilya “ubuwelewele.” Mwamona, caba fye ubupusano. Mwamona? Kabili icintu ico Lesa alaile, Lesa ali kabili na cicita. Mwamona? Tuli pano.

²⁰¹ Nomba, nalyo line, ena alikala nge fyo acitile, Efa wa ciHebere. Ena teti acicite fye. Imwe kuti mwaimya abafwa; imwe kuti mwamona Umupashi wakwa Lesa. Yesu alikile, aliishininkishe Umwine ukuba Umwana wakwa Lesa. Intanshi, Ena alitendeke ukushimikila. Cisuma, bena batontonkenye, “Cisuma, aba ngo Muntu umo uwaibela. Bushe Ena nani, nangu cibe fyo?” Cisuma, icintu ca ntanshi namwishiba, abantu batendeke ukusosa... .

²⁰² Pantu, bena batile, lintu, ilyo Uyu katangilila aishile, Yohane, batile, “Bushe niwe Mesaya?”

²⁰³ Atile, “Iyo. Lelo Ena naiminina pakati kenu pa cifulo cimo.” Uh-huh. Mwamona? Cinshi? Alishibe, ilyo imbila yakwe yaleletwa, ifyo ena ali no kucita. Alishibe ifyo ali no kucita.

²⁰⁴ Kwati fye Noah alitwalilile ukulolekesha Enock. Ilyo Enock aile, Noah atile, “Cawama ukupalamina ku cibwato. Inshita naipalama.” Noah atwalilile ukulolekesha Enock. Mwamona?

205 Kabili Yohane aolekeshe ku cishibilo ico Yesu amwebele, atemwa Lesa amwebele, ukulolekesha. Atile, “Ena naiminina pano pene nomba, pa cifulo cimo pakati kenu. Nshamwishiba Wene, lelo ndi no kwishiba Wene.”

206 Ukwiminina kulya, batile, “Bushe tewe Mesaya?” Batile, “Ifwe na batutuma ukufuma kucifulo cikalamba.” Uh-huh. Batile, “Abakalamba, na bonse, na batutuma kuno. Nga niwe Mesaya, cinshi teti wishile kuno no kuilenga we mwine ukwishibikwa kulya lubali, te kuno muli ili bumba ilya fintu kuno lubali! Iwe uye kulya lubali no kuilenga we mwine ukwishibikwa.”

207 Atile, “Nshili Mesaya.” Atile, “Ndi shiwi ililebila mu matololo.”

208 Cilya capitile pa mulu wa mitwe yabo nge fyo cingaya. Bena tabaishibepo nangu cimo pali cena, mwamona, kabili nomba bena bonse balelolola wene ukwisa. “Lelo teti cibe umuntu nga ulya. Owe, mwe, cilya kuti caba icakutinya!”

“Li sukulu nshi wafumako?”

“Nangu limo.”

“Bushe naukwata ikadi lyobe ilye senge?”

“Cena ni Cinshi?” Mwamona?

209 Ena alisubilwe na Lesa. Atile, “Kuliko icintu cimo ico nkwele. Akasembe nakabikwa pa mushila wa muti.” Nomba, filya fye fyeka ena—filya fye fyeka efo akwete. Ena alandile mu fyebo fya muntu wa mu mpanga, te mu fyebo ifyakwa shimapepo; amafwafwa, no tusembe, ne fi muti, kabili na fimbipo. Ena—ena talandile mu fyebo ifya bushimapepo.

210 Lelo Yesu atile takwatala ukubapo kasesema nga wene. “Takwatala umwaume uwafyalwa ku mwanakashi, nga wene, mpaka ubushiku bwakwe.” Cilya cishinka. “Ena ali uwacila kasesema.” Ena ali ni nkombe ya Cipangano, aiminine pakati ka—ka bupyungishi bubili, ukwisamo. Mwamona? “Ukucila kasesema.”

211 Kabili e ico kanshi—kanshi bena taba mwishibe. Bena tabamwilwike. Ena ali ngo muntu uwaibela, e ico bali mutamfische, mwamona.

212 Lyena ilyo Yesu aishile, kanshi, kabili mucine tabali no kusumina Wene, uyu mulumendo wakwa kalipenta, takwaliko icintu icapala filya, ne shina ilya fita kunuma Yakwe, ilya “uwa mucani.” Kabili, Ena, bena tabali no kumona umuntu nga ulya.

213 Lelo, lelo lolekesheni ifyo Lesa acitile. Asendele abashasambilila, aba busu, abalondo be sabi, aba mu mpanga, abalimi, na bacilende, no kuleka bashimucindikwa ukwikala palya. Mulandu nshi? Cinshi? Mulandunshi ena acitile?

Mulandunshi Ena acitile icintu ca musango filya? Bushe kuti mwaelenganya? Ni pa mulandu wa kutila balya bantu bamwishibe Wene ukube Cebo. Nomba lekeni fye tumumone pali miniti fye.

²¹⁴ Uyu pano umulondo we sabi umukote umututu, teti alembe shina lyakwe. Baibele itila ena ali “umututu kabili ushasambilila.” Alelya sabi lyakwe no kwikala panshi. Aya kulya lubali no kumona ifyo conse cilye congo cali. Lelo mulya mukati muli wene, alishibe ukutula Baibele isoso kuti Mesaya . . . Aba Hebere bonse balelolola Mesaya, pantu kwali no kubako icintu ca buMupashi icala no kucitika ilyo Ena aishile.

²¹⁵ Kwaliko ba mesaya abengi, abaimine kabili batile, “Nine Wine,” no kubalufya, ku myanda, kabili—kabili balyonaike ne fintu fyonse. Lelo, mwamona, cilya cali ukufumyapo ulya Umo umutuntulu ilyo cena Cafika.

²¹⁶ Twalikwete ifya kufimba pa cifuba ifyakwa Eliya na makoti, ne cintu cimbi icashala, lelo cilya—cilya cili—cilya cili—cilya cili fye ukufumyapo icintu icituntulu ilyo ena akesa. Mwamona? Cilya cishinka. Imisango yonse iya bantu abo abafwele imingila na malaya, kabili bashikilwe mu fisote ifya misango ili yonse ifyapilibulwa, kabili ne fintu fyonse ifyashala. Cilya tacile . . . Cilya—cilya cileshininkisha fye. Kwati ni dollar uwa bufi, cilelangisha ukutula kuliko imo isuma imo ku cifulo cimo, nga kuti mwaisanga fye. Mwamona?

²¹⁷ E ico pano Alishile. Nomba aba bashimucindikwa balishile, kabili bali nganshi pa cakupyanisha cabo! “Cinshi,” batile, “nomba, nga Mesaya aisa, Ena mucine cine akesa kuli Kaifa. Ena akesa kucilonganino cesu. Ena akesa ku ba Fariseo.” Ba Seduke, “Cilya eco muletontonkanya! Ena akesa ku ba Seduke.” Kabili kulya uko bali, mwamona, icintu cimo cine ico bakwate ilelo, nomba.

²¹⁸ Lelo ilyo Ena aishile, cali iceni. Ena akesa, owe, ukupusana nganshi ku fyo batontonkenye, lelo Ena aishile kulingana ne Cebo. Kabili bena tabaishibe Cebo.

²¹⁹ Lekeninsose cilya, mucituntulu, pakutula imwe muli . . . cili no kuya mukati nganshi. Ndefwaya ici cumfwike. Bulya e bwafya ubwaba na imwe ilelo, mwamona, imwe tamwaishiba Icebo! Mwamona?

²²⁰ Yesu atile, “Imwe kuti mwaishiba imimonekele ya myulu, lelo ifishibilo fya nshita teti mufishibe.”

Atile, “Twalikwata Mose.”

²²¹ E ico, atile, “Nga mwalishibe Mose, imwe ngamwalinjishiba Ine.” Ta bamwishibe Mose, kabili e mulandu wine tabaishibe. Bena baishibe fye icisumino ico baletele.

222 Nomba lekeni tusende uyu umukote mulondo we sabi. Abika bashiketi yakwe panshi. Atintila umwefu wakwe uwa mfwi panshi, no kuya kulya, “Ndecetekela ndi nokumona ni nani Ena.”

223 Munyina atile, “Isa kuno. Leka tuleya kulya lubali.” Atile, “Ulya ni ulya Umulumendo umu wine. Ulya ni ulya Umulumendo basosele ubushiku bumbi. Naikela inshita yonse iya bushiku pamo na Wene mailo ubushiku. Walishiba Yohane, naleba iwe palwa wene?”

224 “Ee, ulyo umuntu wa mu mpanga kulya! Ee, nalyumfwile pali wene.” “Cisuma,” Simeon umukote. Imwe namwishiba, atile, “Nalyumfwile palwa wene kulya lubali. Ee, nali kulya lubali, ibili atemwa imyeshi itatu, kulya lubali. Ee.”

225 “Cisuma, atile. . . Kabili ubushiku bumo aliminine kulya, asosele icintu icaibela. Atile, ‘Namwishiba, ulya aleisa ino ine nshita?’ Batile, ‘Musango nshi wishibe?’ Lolekesheni kulya; Umuntu fye uwaseka naiminina palya. Atile, ‘Nimona Umupashi wakwa Lesa, nge nkunda, ukwika. Ndeumfwa Ishiwi liletila, “Uyu ni Wene. Uyu Mwana Wandu umutemwikwa muli Uyo mbekelwa ukwikalamo.” Elyo aile fye ukuya mu menshi no kumubatisha Wene, na fimbipo. Cisuma, kulya, atile ena alimwishibe Wene.”

226 “Owe, nshishibe,” Simeon atile, “Nalyumfwapo fyonse filya, nshita ishingiri.” Lelo uyu aleisa. Lelo mukati ka mutima wakwe mwali mbuto iyalingilwa kabela. Mwamona? Yesu efyo asosele. Cisuma. Aile kuli Wene. Aleya. Atile, “Nalaya kulya mukulongana no kumona.” Aile kulya.

227 Yesu aliminine palya, Umuntu fye umunono uwaba nga bonse. Alyendele. Atile, “Cinshi, ishina lyobe ni we Simeon. Kabili ishina lyaba wisobali ni ba Yona.” Caishile mubika panshi. Cinshi? Ilye inono, imbuto iya Mweo wa Muyayaya yaiketwe mulya. Ee, mukwai.

228 Atile, “Lolela pali miniti! Musango nshi cilya cili? Iwe tawatala ukumonapo. Nangula walishiba ba tata, pantu bena balifwa pa myaka. Lelo pano Iwe waisa, ukunjeba cilya? Nomba, ninjishiba ukutila Baibele itila. . .” Nomba, cilya te kubwelela ku fyo abakalamba basosa. “Lelo Baibele itila ukuti Mesaya akaba kasesema. Ulya Ali palya. Ulya ni Wene.”

229 Ubushiku bumo Apitile mu Samaria, ukuya ukupita mulya ne bumba lya baYuda. Alibashile. Kabili uyu munono, umwanakashi cilende aishile fuma, nalimo na mayo umunono uwaemba, namwishiba. Kabili ena ali ni cende ende mu musebo, ngo mwana. Kabili ena aleya ukupita mulya. Nalimo ena aletontokanya palwa cintu cimo. Aendele ukuya kulya no kubika icintini panshi. Kabili atendeke ukutwala panshi icakutapilako, namwishiba, ukutapa amenshi. Kabili aumfwile

Umwaume ukusosa, “Mpelako amenshi.” Alilolekeshe mumbali, kabili palya paikele uwapala ngo muYuda uwa cimo ca pakati.

²³⁰ Atile, “Bushe, Iwe tauli umuYuda? Iwe taulingile ukucita cilya. Tacasuminishiwa kuli Iwe ukulanda kuli ine. Ndi mwina Samaria.”

²³¹ Atile, “Lelo nga walishiba Uo ulelandako, iwe kuti waleta . . . iwe Wanomba ukukupela amenshi.”

²³² Atile, “Cili kwi ica kutapilako Cenu?” Mwamona? “Cili kwisa ica kutintilako Cenu?”

“Cisuma,” Atile, “amenshi ayo mpela Mweo.”

²³³ “Icinsi?” Mwamona? “Mulandunshi,” atile, “mulandunshi, imwe bonse mulefwaya ukupepela mu Yerusalemu. Kabili bashifwe bapepele . . .”

²³⁴ “Owe,” Atile, “cilya cishinka, lelo,” atile, “ifwe fwe baYuda twalishiba ico tupepa. Lelo,” atile, “nawishiba, inshita ileisa ilyo—ilyo abantu tabakapepele mu Yerusalemu atemwa muli ulu lupili.” Atile, “Bena bale—bena bali no kupepela Lesa mu Mupashi, pantu Ena Mupashi, Umupashi ne Cine.” Cisuma, ena atendeke ukusoma, namwishiba.

Kabili atile, “Kete umulume obe elyo wise kuno.”

Atile, “Umulume wandi? Nshakwata umulume nangu umo.”

²³⁵ “Cinsi,” Atile, “cilya cishinka.” Atile, atile, “Iwe walyenda na basano, kabili ukwete uwalenga mutanda nomba.” Kabili atile, “Wali na basano. Kabili—kabili, iwe, nawishiba. Imwe na musose cine.”

²³⁶ Moneni! Cali ni cinsi? Lulyo Lubuuto lwasanikile ilye mbuto. Yena yalikele mulya, yalilandilwe na Lesa. Ee, mukwai.

²³⁷ Imbuto yali pe sonde. Ilyo Lesa afumishepo amenshi, kabili akasuba kabalikile yena, yaishilemena. Cilya cishinka. Mwamona? Cilya fye ceka eco yalefwaikwa, cali kasuba. Yalefwaikwa fye ulubuuto. Ee, mukwai.

²³⁸ Elyo kabili ilyo Mupashi wa Mushilo, muli Wene, afumishepo ubumi bwakwe ubwakale, no kubulangisha kuli wene, lulyo Lubuuto lwalisanikilepo. Atile, “Mukwai, ndemona Ninwe Kasesema.” Atile, “Nomba, twalishiba, ni ncishiba, ukutila ilyo Mesaya akesa, filya eflyo Ena akacita. Kabili ifwe tatwakwata kasesema pa myaka imyanda. Tatwatala kwatapo kasesema uwa cine, pa myaka imyanda.” Kabili atile, “ifyo Iwe wanjeba pa mulume wandi, kabili no kunjeba impendwa iyo nakwete, kabili na fimbipo. Cinsi,” atile, “Nshileiluka ici.” Atile, “Ilyo Mesaya akesa, cisuma, ena akacita cilya. Lelo Iwe ni we Ani?”

Atile, “Nine Wine.”

Cilya cali eco. Mwamona? Cilende!

²³⁹ Kabili bashimapepo balolekeshe uku no ku no kusosa. . . Cisuma, bena balingile ukwasuka ku lukuta lwabo. Batile, “Mwitumpikwa na ulyo Muntu. Ena ali—Ena alingililwa na ciwa. Epela fye.” Nomba, bulya e bupusano. Cilya e cintu cimo cine ilelo. Mwamona? Icintu cimo cine ilelo, cacitika fye filya fine. Ee. Mukwai.

²⁴⁰ Ena, alicishibe, pantu Ulubuuto lwalisanikile Cena. Bena ba- . . . Balya abalondo be sabi, abantu ba mu mpanga, abalimi, abamisonko, bacilende, balimwene muli Wene ifyo Amalembo ayaicefya yasosele Ena akacita. Kabili aba Fariseo balifililwe ukumona, pa mulandu wa ntambi shabo. [Munyina Branham aikala tondolo no kulangisha ku minwe mu musango umbi. Ulukuta lwaankula mukusuminisha—Ka.] Bena balifililwe ukumona, pa mulandu wantambi shabo. Lelo cilende, abalimi, na bonse balya, balimwene Cena, bonse balya abalingilwe kabelo. Ilyo kutwishika kwafuminepo, imbuto yatendeke ukumena. Cilya cishinka.

²⁴¹ Ni cinshi ico acitile? Atile, “Cisuma, ndi uwansansa ni nkumanya Mesaya”? Owe, iyo, munyina. Aile fye mulya mu musumba. Ena alilabileko palwa menshi. Atile, “iseni, mumone Umuntu Uyo uwanjeba ifintu ifyo nacita. Bushe ici te cintu cimo cine ico Amalembo yalanda Mesaya akesacita? Bushe ici tacili filya fine fye?” Kabili abantu kuti bamona cilye cintu cimo cine.

²⁴² Nge fyo Yesu asosele, muli Yohane Washila 14:12, cili no kucitika nakabili. Alicilandile nakabili muli Luka, ilyo Asosele, “Nge fyo cali mu nshiku shakwa Noah.” Ifyo Lesa amonekele Umwine mu Muntu, no kweba uyo wali kunuma Yakwe; kabiline fyo Sarah acitile, ukuseka mwi tenti. Kabili yonse aya Malembo, ayakwa Malaki, kabili na fimbipo, ayalandilwe kabelo mu nshiku sha kulekelesha. Aba Hebere 4 itila, ilyo “Icebo” cikesa bwela. Malaki 4 isoso ukuti Cena cikesabwela nakabili no muntu. Aba Hebere 4 itila, “Icebo cakwa Lesa cilalilungulula amatontonkanyo ayo ayali mu mutima.”

²⁴³ Kabili bena kuti bacimona ukucitwa, no kwenda ukutaluka ukufuma kuli cena. Intambi shabo shilacifisa no kucilenga ukukana kwata amaka. Cisuma, tuli fye pano. Epela fye. Uh-huh.

²⁴⁴ Namwishiba, Ena kuti acita icintu cimo cine ilelo. Ena kuti aisa pano pene mukumonekela no kuleta ifintu fimo fine ifyo Ena acitile lilya, nge fyo ena asosele ukuti akesa Cita. Mwamona? Alilaile ukucitita. Alilaile ukucitita. Kabili nga Ena kuti acita icintu cimo cine, inkombe ya Laodikea ilingile ukucitita.

²⁴⁵ Elyo kabili ngo lukuta lwa Laodikea lwacimona ukucicita, bakesa cicita filya fine ngo lukuta lwa ciHebere lwacitile pa kutendeka. Te mulandu ifyo Lwena lwingaba ulwashininkishiwa, owe, bena kuti bacicita, ifyo fine. Owe, mwe!

²⁴⁶ Nomba, Yena isoso kuti ikacita. Ifwe tukesabwekela ku Cebo ca ntendekelo, no kulengwa ukumonekela nge fyo calaiwe, ukubwekesha nakabili Icitetekolo, Icitetekelo ca ntendekelo, nakabili. Kabili nga Ena ailengele Umwine ukwishibikwa ukutula Ena aikele mukati ka bantu Bakwe, pa kucita ifi fintu; Ena kuti akwata ne cikope Cakwe ukukopwa, ukushininkishiwa ku fya science. Kabili nalyo line tabacetekela cena. No kushininkisha, ukuleka ilinso lya mushini ilya camera ukumukopa Wene naiminina palya, ilya ine Ntumba ya Mulilo, cimo cine mailo, ilelo, no muyayaya, AbaHebere 13:8, ukulangisha ukutula cena—cena ca mufya science, kabili munshila ili yonse, mu fya science mu fiputulwa fya bumupashi. Mu musango uuli onse ubo cena cingashininkishiwa, cena calishininkishiwa.

²⁴⁷ Kabili, namwishiba, bena nalimo kuti bacite cintu cimo cine. Bena nalimo kuti baenda fye ukutalukako no kucite cintu cimo cine ico bacitile.

²⁴⁸ Owe, Lesa twafweni! Owe! Twalalekela fye pano. Lelo, Lesa twafweni ukumona nomba, epepo lyandi, ilyo tuleisa nomba. Pantu, nshilefwaya ukumisunga inshita itali. Lesa twafweni ukumona. Ndecetekela nalimo, Umupashi pali ifwe, calaba fye nombaline ukutula Ena kuti atwafwilisha ukusokolola, ukwisula ici Cikatikilo.

²⁴⁹ Lekeni tubelenge. Ilyo tulemona imibele ulukuta lubelelemo, tulemona apo lwabela, ukumona ifyo bacitile, ukumona apo lwalingile ukwisa, ukulumona palya, no kumona ifyo balingile ukucita. Bena bacitile fye filya. Nomba mulemona apo tubebele? Imwe mukwate ukupingula. Ine teti mpingule. Ine ndi fye no mulimo uwa kuleta ici Cebo. Nge fyo Cena capelwa kuli ine, kuti na pela Cena. Mpaka Cena capelwa kuli ine, ine teti mpele Cena; takuli nangu umo uwinga cicita.

Kabili ilyo akakatwile icikakatikilo ica citatu, naumfwile ica mweo ica citatu ciletila, Isa umone. Awe naliloleshe, kabili moneni ekwali kabalwe uwafita; no waikelepo ali ne cakulingo kufina mu minwe yakwe.

Elyo naumfwile kwati li shiwi mukati ka fya mweo fine liletila, Umulingo uwa ngano mundalama imo, ne milingo itatu iya barle mu ndalama imo; lelo amafuta no mwangashi. . . wionaulapo.

²⁵⁰ Nomba, Umwana wa mpaanga nakwate Buku mu minwe Yakwe, ukukakatula Ifikakatikilo. Ena nakakatula

icakubalilapo, ica cibili, kabili nomba Ena alekakatula ica citatu. Kabili ilyo Ena alecikakatula, Umwana wa mpaanga alekakatula cena, Icikakatikilo ica Citatu, icaMweo ica citatu. . .

²⁵¹ Nomba ni banga abaishiba ifyo icaMweo ica citatu calemoneka? Camoneke kwati muntu. Icakubalilapo camoneke kwati ni nkalamo; icibiye camoneke kwati mwana wa ngo'mbe, atemwa ingo'mbe ilume; kabili ica citatu camoneke kwati muntu, ngo muntu. Kabili aumfwile i—Icibumbwa icaMweo, i—IcaMweo. Icibumbwa icaMweo, icapala umuntu, ukusosa kuli Yohane, “Isa, umone ifyo Cena cili, iyi nkama iyali iyafiswa.” Konse uku kunuma mu myaka yakulubula, ukutula ilyo mufula we sonde taulalengwa, Yena yalifiswa muli ici Cikakatikilo, ni cinshi icili no kucitika. Nomba, “Isa, lolekesha ifyo Cena cili.”

²⁵² Kabili e ico Ena aisula Cena. Icibulumo cabuluma, kabili Umwana wa mpaanga aisula Ifikakatikilo.

²⁵³ Nomba, kabili Yohane alyendele, ukumona ifyo Cena cingaba. Ni cinshi ico amwene? Amwene kabalwe uwafita. Kabili uyu wanininepo akwete ifya kulingilako, atemwa ama sekelo, mu minwe yakwe. Nomba, cilya e cintu ica ntanshi ico amwene. Ilyo Mwana wa mpaanga abilisha Cena, akakatwile Icikakatikilo, elyo icaMweo cimbi. . . Mwamona, filye fya Mweo filekonkana, palwa kubilisha, “Isa, umone.” Kabili Yohane, palya epo aiminine, nalimo nge *fi*, ena aenda uku lubali, ilyo Mwana wa mpaanga aiswile, no kwenda kulya. Ilingi. . .

²⁵⁴ Icibulumo cabuluma, nge fyo twamwene mu Cikakatikilo ica Ntanshi. Kabili ena alalolekesha ukumona ico cilecitika. Kabili alemona umuntu aleisa, intanshi, pali kabalwe uwa buta. Alemumona nanina. Kabili ukuya fye mulya, Yohane alemumona mpaka na kumpela. Ena amumona wene aisa, kabalwe wakwe uwa buta, nakwata ubuta mu minwe yakwe, kabili u—uwaninine nakwata, kabili ena takwete imifwi na cena. Kabili icintu cimbi alemona, alesenda icilongwe, no kunina ukuya fye mulya.

²⁵⁵ Elyo tulesango kuti, lyena, Umwana wa mpaanga, uyu nakabili aisa, Ena aisula na cimbi. Kabili alolekesha. Nomba uyu aisa ka—kabalwe uwakashika. Uyu muntu nakwata ulupanga mu minwe yakwe. Ena nanina ukuya fye ukupita mu Malembo, mwamona, no ulu lupanga mu minwe yakwe, kabili no kwipaya no kusenda umutende pe sonde.

²⁵⁶ Nomba Umwana wa mpaanga aisula Icikakatikilo cimbi. Na cimbi cimo ica Fibumbwa ica mweo, icapala ngo muntu, casosele, “Isa, umone.” Nomba aya kulya, ukumona ifyo ici cili. Kabili ilyo ena acita, kulya kwaisa uwaninine pali kabalwe uwa fita.

257 Nomba, mailo ubushiku, tulesanga ukuti ulya uwaninine umo wine uyo waikele pali kabalwe uwabuta ali umo wine pali ulya uwakashika.

258 Kabili Ishiwi lyatile, mukati ka fya Mweo, lyalibilikishe, mulemona. Kulya, ukwisamona ifyo cena cali: Ena ali muli ifi Fibumbwa ifya mweo. Kabili alimwene uyu kabalwe uwa fita.

Kabili ilyo...li shiwi mukati ka fya mweo fine liletila, Umulingo wa ngano mu ndalama imo, ne—ne milingo itatu iya barle mu ndalama imo; lelo a—amafuta no mwangashi wionaulapo. (Mwamona?)

259 Uyu waninine, lekeni tulande pali wene. Nga muli no kumona uwaninine pali kabalwe uwa kubalilapo, ifyo ena ali. Kabili tulesanga ukuti, mailo ubushiku, kulingana na Malembo, ukuti uwaninine pali kabalwe uwa cibili ali filya fine umuntu umo wine, cali fye ena ali fye pali kabalwe umbi. Ni cinshi ica citike? Apilibwile bukapyunga bwakwe. Mwamona? Cisuma. Twaishilesanga ena ali munkanyakristu, kabili aishilepilibula icifulo cakwe.

260 Tulesanga ukuti ilyo ena, intanshi, alifye kabalwe uwa buta, ena aishileba isambilisho. Nomba, ifwe twalisenda cila cimo ica ifi ukufitwala fye mu Malembo. Mwamona?

261 Nomba, lolekesheni apo tubelele, muno bushiku, ilya imbi nshita ya lukuta nomba. Mwamona? Ifwe tuleisa kulya ku nshita ya lukuta lwa citatu nomba. Mwamona? Filya fine fye pa nshita ya lukuta ulwa citatu, caba fye filya fine kwati ni kabalwe uwa citatu. Mwamona?

262 Nomba, inshita ya lukuta lwa ntanshi, cali ni cinshi? Abenanikola balikwete sambilisho, mwamona, lulya lwine fye ulwa kubalilapo. Cisuma. Elyo kabili, icintu cakubalilapo namwishiba, ili sambilisho lya Benanikola, lyaishile suminishiwa kabili lilya lyali ilyalungama, lyaile mu mulimo. Kabili baishilefwika icilongwe uyu muntu. Elyo, uyu mupashi, munkanyakristu, waishile ikala mu muntu. Mwamona? Kabili tulesanga ukuti, pa ntashiko, aishileba Kasebanya mu mubili, nao; ingulu yalile, kabili Kasebanya alishilemo.

263 Kabili nga filya lulya ulukuta lwa ulyo musango, ulukuta lwa munkanyakristu, lululunduluka; efyo na Nabwinga aisa ne fintu ifya pusana pusana: ukupitila mukulungamikwa, ukulekelelwa, ulubatisho lwa Mupashi wa Mushilo, no kulaenda fye ukuya pantanshi, mwamona, nga filya fine. Ici fye, bakwete ukupuputula kwabo ukwa ntanshi, kabili Ulukuta lulekwata kwena pa kulekelesha. Imyaka yabo itatu iya kubalilapo...intamfu isha kubalilapo shitatu isha bena isho shaile ukupita mu nshita ya mfifi; elyo ulwa citatu, intamfu shitatu, Ulukuta lwaishilefuma; ukufuma mukulekelelwa, ukusangululwa, ulubatisho lwa Mupashi wa Mushilo, muli Lesa mu mubili ukulengwa ukumonekela pakati

kesu. Uyu aisamo, nga munkanyakristu, nga kasesema uwa bufi, elyo iciswango, elyo mu nshita ya mfifi. Kabili Ulukuta lwaishilefuma muli ilye nshita ya mfifi; ukulungamikwa, ukusangululwa, ulubatiso lwa Mupashi wa Mushilo, Icebo mu mubili, umusango nomba. Kabili aleya panshi. Uh-huh. Mulemona cilya? Ena aleya panshi. Ulukuta luleya pa mulu. Mwamona? Cili fye icapwililika nge fyo cingaba. Owe, cena cisuma. Nalicitemwa fye.

264 Uyu waninine pali kabalwe muntu umu wine, lelo intamfu imbi iya bukapyunga bwakwe.

265 Intamfu ya ntanshi, kabalwe uwa buta, mwamona, ena ali fye kasambilisha, ali fye kasambilisha wa munkanyakristu. Ena ali uwa kususha Icebo cakwa Lesa.

266 Kabili nomba musango nshi imwe mwingaba munkanyakristu? Uuli onse uyo ukana ukuti Icebo conse ica ici tacili icishinka, kabili ukusambilishiwa filya fine, ni munkanyakristu, pantu balekana i-i-i-Icebo. Kabili Ena e Cebo.

267 Nomba, intamfu yakubalilapo, kabalwe uwabuta, Ena ali fye ni kasambilisha, lelo umupashi wa munkanyakristu mwi sambilisho lyakwe ne mibele ya buko. Wali uwakaele. Wene tekuti ucene nangu cimo, eflyo camoneke; twalilila fye. Ulya e musango Satana e shilamo. Owe, ena cintu icacenjela.

268 Aebele Efa, atile, “Nomba, nawishiba ulefwaya amano. Iwe tawaishiba ico cili icalungama ne co cili icilubo.” Atile, “Nomba, nga menso yobe yalishibwilwe, iwe kuti waishiba cinshi.” Kabili atile, “Icisabo caliwama nganshi. Cena cisuma. Cena cili—cena cili icawama ku kumona. Ulingile ukucilya nomba. Iwe tawaishiba nga cakutula eflyo caba, atemwa iyo, bushe walishiba?”

“Iyo, nshaishiba. Lelo Lesa atile mwikacicita.”

“Lelo, owe, cisuma, ninjishiba, lelo. . .”

“Lesa atile Ena. . . ifwe kuti twafwa.”

269 Atile, “Mucine Ena teti acite cilya.” Mwamona, icisuma fye nge fyo cingaba. Lolekesheni ifyo cacitile.

270 Moneni uyu mupashi wa munkanyakristu ukwima pakati ka lukuta ulwa kubalilapo, Isambilisho iya Benanikola. *Nikao*, “ukucimfya” ulukuta, ukupanga umuntu uwa mushilo. Owe, cena cili fye nga ci-. . . “Cisuma, ifwe tulefwaya fye isenge. Cinshi, imwe mwalisalangana kuno; tapali nangu umu uwaishiba apo uuli onse abelele. Ndetontonkanya tulingile twakwata akabungwe no kuba fye abapusana. Mwamona, natuleya, longaneni mwebene capamo. Ifwe tulingile twapanga umwakutushisha ukufuma muli cena.” Kabili filya eflyo cena caba. Takwaba icintu ca musango ifi ngo Lukuta ulwa

Bwinakristu ulwa Methodist. Lulya te Lukuta; mulya mwakutushisha. Baptist, lulya te Lukuta; cena mwakutushisha.

²⁷¹ Kwaba Ulukuta fye lumo, kabili lulya Mubili wakupapusha uwakwa Yesu Kristu. Kabili imwe mulafyalwa muli Lulya, cilya cishinka, mukulingilwa kabelo. Cilya cishinka. “Bonse abo Tata Ampela bali no kwisa. Takuli umuntu uwingesa kano fye Tata amwita. Na bonse abo Tata Ampela, bakesa kuli Ine.” E ico, cilya, cilya eco. Ena fye. . .

²⁷² Umwana wa mpaanga naikala palya, ukucito—ukucita kupapatila, mpaka uwakulekesha akesemo. Inyenjele inono ikalila, kabili Ena alefuma no kusenda ifipe Fyakwe lyena, mwamona, epela fye; aleleta Ulukuta Lwakwe ku Mushi, abantu Bakwe. Kabili aposela umulwani Wakwe muli Bemba wa Mulilo, kabili na bamukonka bonse bakaya mulya pamo nankwe, kabili cilya eco. Elyo ifwe tukengila mu Millenuim.

²⁷³ Uwaninine umu wine, nombu. Iyi ntamfu ya kubalilapo, ali uwa kaele. Kabili iya cibili, nombu, nga mwalile pa muluko panono, panono ukucila palya; intamfu ya cibili, Baibele itila ena “akapelwa icilongwe.” Kabili balifwikile icilongwe umuntu, umwaume uwapulamo. Mwamona, bali mufwikile cilongwe! Kabili, lyena Baibele tayamwitile papa. Baibele yamwitile “kasesema wa bufi.” Mulandunshi? Ee. Mucine, ena alingile ukuba kasesema uwa bufi, ku mupashi wakwe uwa munkanyakristu, uyo wasambilishe munkanyakristu ukususha Icebo ca ntendekelo. Pantu, nga ena alisambilishe ukususha Icebo ca ntendekelole, cali munkanyakristu. Efyo cali. Kabili Icebo ni Lesa, mwamona, Kristu. Cisuma. Nombu, panuma ya cilya, tulesanga wene lyena ukufwikwa icilongwe. Kabili ilyo afwikilwe icilongwe, nombu, ena ali fye uwakaele kabili uwa bula amaka. Ena ali fye umuntu umunono.

²⁷⁴ Lelo lyena mu Kabungwe ka Nicaea, ena alipangilwe cena, kabili Constatine amupele fipe fyonse. Kabili elyo ni cinshi ico acitile? Elyo ena, mwamona, Satana, alimupele icipuna cakwe ca bufumu ne nsambu. Baibele efyo yasosa, nge fyo twapitile muli lyena.

²⁷⁵ Nombu, icintu na cimbi tulesanga ukuti, ukutula Kasebanya alatungulula ama politiki yonse ayo ayatala ukubapo atemwa ayo ayakatala ukubapo. Tulesanga ukuti muli Mateo 4:11. Kabili nombu tulesanga ukuti, kanshi, ukutula Satana alikwete kale ama politiki.

²⁷⁶ Lelo ena aleesha ukusenda Ulukuta, e ico aleya kulya ku kulubepa Lwena. Alesenda umwaume wakwe uwa pulamo, ukumubomfya mukabungwe, no kumufwike cilongwe “inkonkani,” mwamona, kristu. Kristu abombele mu cifulo cakwa Lesa. Mwamona, uyu muntu ni nkonkani, mu cifulo

cakwa Lesa. Mwamona? Icintu cimo cine fye, “mu cifulo cakwa Lesa,” ni cinshi ico ena alingile ukuba, ukonka pali Kristu.

²⁷⁷ Nomba, nomba, ilyo acitile cilya, lyena ni cinshi ico acitile lilya? Ena, Satana, asendele amaka ya ma politiki, ayo ena apwishishe kale, kabili asendele amaka ya bukapepa, ayo yali kale uwa fwikwe cilongwe, no kubika capamo.

²⁷⁸ Elyo kabili aishile mupela, icilongwe na cimbi icilongwe ica kumbo. Kabili na balya abatangileko, nga kuti balipilila indalama ishalinga, ena kuti aba fumya. Mwamona? E ico nomba ena ni—ena ni nkonkani ya ku Mulu, na pa mutwala, kabili adefwaya ukucita. Takwaba icintu ica musango filya muli Baibele, mwamona, lelo alikwete ukupanga icintu cimo. Baibele itila caishilefuma mu cilindi ca bule mpela, no kubwela umusango umo wine. Kabili, pe sonde, kateka!

²⁷⁹ Nomba ni cinshi ico apelwe lilya? Intanshi, alikwete icilongwe, lelo ena takwete umufwi nangu umo. Lelo nomba nakwata ulupanga ulukalamba mu minwe yakwe. Ena kuti acita icintu cimo nomba. Elyo atoloka ukufuma pali kabalwe wakwe uwabuta; uwanina pali kabalwe uwa buta afumapo. Nomba ni cinshi ico anininepo? Kabalwe uwakashika, umulopa, umulopa uwakabalwe uwa kashika. Ena mucine anina pali ulya. Owe, mucine. Nomba ena napelwa amaka yakalamba no lupanga lukalamba, ku kwipaya, elyo anina kabalwe wakwe uwakashika uwa mulopa.

²⁸⁰ Tulemona, ukufuma ku Cikatikilo ica Cibili, ico cakakatwilwe mailo ubushiku, ena alifumishe umutende pe sonde kabili baliipeye umo no mubiye. Kabili ilyashi lyakwe umwine lya baipaiwe, ilya lukuta lwa Roman Catholic, lilelangisha ukutila baliipeye ba million ama kumi mutanda na makumi cinekonse konse ba Protestant, ukufuma inshita yakwa Hippo Washila uwa...panuma ya Washila Augustine uwa ku Hippo, mpaka ikana limo ne myanda isano na makumi cinekonse konse ukubikapo. “Ba million amakumi mutanda na cinekonse konse.” Ilyakwa Schmucker’s *Ukulungamika Kukalamba*, nga mulefwaya ukulibelenga, *Ukulungamika Ukwabukata*, ntile, mwamona. Nomba, ba million amakumi mutanda na cinekonse konse abapendwa pa ba ipaiwa! Ilyo umo uwa balya abaitunga aba mushilo bakwete ubusokololo ubwakutila uuli onse uyo ushasuminishenye no lukuta lwa Rome alingile ukufwa nga cisanguka, cilya cabapalamike fye lilya. Mune, aile ukusumya umulopa! Ena—ali tolokele pali kabalwe wakwe ubwa buta...pali kabalwe wakwe uwa kashika, kabili aile na nina. Owe!

²⁸¹ Nomba amaka yakwe ayakalamba yaleisa. Ena alengelwe inkonkani ya ku Mulu, no kupepwa nga Lesa. Kateka we sonde, pa kwampanya ulukuta no buteko capamo, camulengele

wene ukuba kateka we sonde; apelwe icilongwe pali cilya. Ena kuti asepela imyeo ukuifumya mumutwala. Ena kuti apapa-. . .Ena ali fye nga Lesa, pe sonde, mu cifulo cakwa Lesa. Capamo, alikwete amaka ayakalamba ku kwipaya uyo onse ushasuminishenye ne funde lyakwe. Nani uwingalanda cintu icili conse kuli ena? Ulukuta teti lusose nangu cimo; ena e mutwe wa lwena. Ubuteko teti busose nangu cimo; ena e mutwe wa lwena. E ico, balifwile ku ma million. Yonse yalya ama chalici ayanono, munyina, yalitobelwe, no kwipaiwa no kunyongwa, no kulishiwa ku nkalamo, ne fintu fyonse. Mwamona? “Icingw’ena,” Rome, “ba mupele icipuna cakwe ne nsambu.” Baibele efyo yasosa. Mwamona? E ico aninine uwapashaniwa wakwe, kabalwe uwakashika ukupitila mu mulopa wa bantu, mpaka aishileba kabalwe uwakashika.

²⁸² Nomba Yohane amumwene palikabalwe uwa fita. Alipilibwike, icintu cimbi icashala.

²⁸³ Nomba ningile uku—ukusosa ici mu musango fye caishilemo kuli ine. Kabili lyena kabili nga alishile kuli ine kabili tacapashenye na Malembo ayashala, lyena Lesa teti acipele. Mwamona, Amalembo yalingile uku, cila imo, caba fye cimo icikalamba icikulu—icintu icikulu nga filya. Amalembo yalingile ukusuminishanya na Malembo. Kabili icili conse icili ca pusana na Malembo. . .Nga Ulya Malaika wakwa Shikulu anjebele icintu icili conse ico cishali mu Malembo, ine nga nshacetekele Wene.

²⁸⁴ Natile, kulya mu Chicago ubushiku bumbi, ilyo bonse balya bakapyunga imyanda. Bushe kwaliko umuntu umu kulya kuli kulya ukulongana? Mucine. Kulyo kulongana mu Chicago, natile, “Nomba, imwe bonse mulelanda palwa imwe ukukwata. . .Imwe mwatontonkenye mwalamfulunganya ine muno, pa cintu cimo.” Cali kwati ni muli cino cipinda nomba. Natile, “Cena ni cinshi? Imwe namukwata cimo ukususha ine.” Natile, “Umupashi wa Mushilo wali nangisha, inshita sha bushiku shitatu ishapitapo, uko cila umu muli imwe mukaba. Kabili ifwe teti tube muli cilya. . .Ipusheni Carl muno nga tacili icalungama.”

²⁸⁵ Kabili kulya kwali Hank na bonse balya, “Cilya cishinka.” Imwe bonse mwali kulya ku kumfwa.”

²⁸⁶ Natile, “Nomba na mukwata ica kunsusha, pa Kusambilisha kwandi. Ulya e mulandu. Nomba ndefwaya imwe ukwisa kuno, no kusenda Baibele yenu no kwiminina kulubali lwandi, no kususha Cena.” Lyali li bumba ilyali tondolo nganshi ilyo tamwatala umfwapo. Natile, “Bwafya nshi ubuli na imwe?” Natile, “Kanshi, nga namwishiba teti mwiminine ukususha Icebo, kanshi talukeni kuli ine. Imwe ba Doctor ba Divinity ne fintu fyonse, ukulanda umusango, ukuishibisha mwe bene nga ‘Doctor,’ ‘Doctor,’ ‘Doctor.’”

Kabili ine ndi...” (Owe, Munyina Woods, kabili ndesosa “cheechaker,” atemwa “Greenhony.”) “Nshakwata amasambililo, nshatala ukwisa ukupitila muli serminary ili yonse atemwa isukulu. Lelo mukasende Baibele yenu kabili mwise mwiminine kuno no kwiminina ku lubali lwandi, musheni ubufyashi bwa nsoka, ulubatiso mwi Shina lyakwa Yesu, atemwa ifili fyonse ifintu ifyo nsambilisha.” Takwali nangu umo uwasosele ishiwi. Imwe bonse mwalishiba cilya. Lilya lyali li bumba ilyali tondolo nganshi tamwatala monapo.

²⁸⁷ Mwamona, bena balabutuka fye kwati ni cinshi naishiba. Nomba, nomba ici cili apa. Nshacetekela mukukansana na bantu, lelo ilyo caisa ku cifulo uko beshu ukukutintila muli cena. Kabili nga nshaile, lelo Mupashi wa Mushilo walinjebele, watile, “Kabiye kulya lubali. Nkeminina na iwe.”

²⁸⁸ Alibele, shitatu atemwa inshiku shine ilyo inshita tailakumana. Imwe bonse mwali kulya kabili mwali umfwile Mr. Carlson na bena, kabili—kabili Tomy Hicks. Kabili bonse bena balikele kulya. Kabili nalile, inshiku shitatu ilyo tailafika, kabili natile, “Imwe muli no kufumyapo ilye ncende.”

²⁸⁹ Yali ni nshita ya bushiku iya nkuka. Nalikwete ukulongana. Atile, “Kabiye, keminine pali ilye window, pali ulyo mwinshi unono uwalenga citatu kulya.” Kabili nalile kulya no kwiminina mulya mwine fye. Naishile lolekesha kunse nga filya.

²⁹⁰ Atile, “Nabakuteye citeyo iwe. Bena bali no kukwipusha ukulanda kuli kalya Kabungwe ka ba Kapyunga ka ku Chicago Mukalamba.” Atile, “Nabakuteye citeyo iwe, pe sambilisho lyobe ilya Cebo Candi.”

²⁹¹ Atile, “Nomba, bali no kufumyapo cilye cifulo icili kulya. Bena taba kacipoke. Kabili bali no kusenda incende, iyo ili iya kashikila.” Atile, “Ifi efyo ilemoneka.” Naliiminina, kabili nali imwene ne mwine mu cifutu; kulolekesha kunuma kulya no kumona. Nalibamwene bonse kulya. Nalimwene bonse balya bakapyunga na bekala kulya, umusango babelelemo. Nali balolekeshe bonse. Kabili Atile. . .

²⁹² “Owe,” natontonkenye, “kuti cawama nshileko kulya kanshi, Shikulu, nga bali no kucita cilya. Nshilefwaya ukubomfwisho ubi atemwa ukucite cintu icili conse icalubana.”

Atile, “Kabiye. Nkeminina nobe.” Alicitile. Cilya cishinka.

²⁹³ Nomba, imwe bonse, kuliko bakamboni muno mwine, abaikele kulya kwine kabili na beshiba cilya cishinka. Cilya cishinka. Cisuma, na mukwata amatepu muno, nayo. Lelo, mwacimone co, mulemona.

294 Nomba, nomba iyi apa nkama ya ici. Kabili nomba, Cena, ilyo Cena cacisokololwa kuli ine ulucelo celo lelo, ilyo akasuba takalatula. Lyena naciya bwangu bwangu ku Malembo no kutendeka ukulolekesha, ukucifwailisha. Cilya caciba palya. Shitatu isha shena, nge fyo cili, naficitwa mucine cine, ukusokololwa mukupapusha. Ee. Nomba iyi apa inkama iya kabalwe uwa fita, ukulingana na cilya icacisokololwa kuli ine.

295 Ena atendeke ukunina pali wene mu nshita ya nshita sha mfifi. Cilya eco kabalwe uwafita aleiminako, inshita sha mfifi, pantu cali ni nshita iya pakati ka bushiku ku bacetekela ubacine abo abasheleko. Moneni nomba muli ilya nshita ya bushiku, ilya nshita ya lukuta lwa pakati, inshita ya lukuta ya mfifi. Moneni ifyo Ena alesosa, "Iwe ukwete fye amaka yanono." Cali ni nshita ya bushiku kuli bena, ku wacetekela uwa cine. Nomba moneni. Mu butuntulu isubilo lyonse lyalifumishiwe ukufuma ku Lukuta ulwacine, pantu uyu muntu atungulwile fyonse fibili ulukuta no buteko. Ni cinshi ico bali no kucita? Mwamona, Bukatolika bwalipokele icifulo, fyonse fibili ulukuta no buteko. Kabili bonse, abashasuminishenye na Bukatolika, balipaiwe. Ulya e mulandu wine ali pali kabalwe uwa fita. Kabili moneni icintu ica fita ico acitile, mwamona, lyena kuti mwamona. Kabili imwe fye...Nga mwalishiba ilyashi lyenu lyakale, lilolekesheni, lyena imwe muli . . . Cisuma, imwe teti mufwaye limbi ukulishiba, uku—ukwishiba Ici. Nomba moneni. Isubilo lyonse lyalile. Cilya ni kabalwe wakwe uwa fita.

Nomba, alininine pali kabalwe wakwe uwa buta, ukucenjela.

296 Elyo alipelwe amaka; afumishe umutende, aipeye ba million. Cilya ico ali no kucita ilyo aninine ukulaya. Kabili ena cilya acili alecicita. Mwamona?

297 Nomba, uyu ali pali kabalwe wakwe uwa fita nomba, ukulaisa. Inshita ya mfifi, ilya yali ni ilya nshita. Lilya line fye lintu fye inshita yalukuta yaishile tantikwa, kabili aishile mu maka, baishilefumyapo ifintu fimbi ifyashala. Kabili balipitile, nalimo, imyanda ne myanda ne myanda ya myaka, efyo kabelenga onse aishiba nge nshita sha mfifi. Ni banga abaishiba cilya? [Ulukuta lwatila, "Ameni."—Ka.] Mucine, inshita sha mfifi. Ulya palya kabalwe wenu uwafita, ukwimininako ilya nshita ya mfifi. Nomba, isubilo lyonse lyalipwile; takwali isubilo nakalya. Ifintu fyonse fyamoneke ifya fita, ku bacetekela abanono. Nomba, ulya e mulandu wine cileitilwa, ukwimininwako, kabalwe uwafita.

298 "Ifyakulingilako fyakwe, atemwa ifya kupiminako, mu minwe yakwe," mulemona. Ukubilikisha, "Umulingo wangano mundalama imo, ne milingo itatu ya barley mundala imo." Mwamona, mucine, cilya cili, ingano na barley fintu fya

cifyalilwa ifya bumi. Filya eflyo umukate ne fintu fipangilwako. Lelo, mulemona, ena alelipilisha pali ifi. Ifyo cilepilibula, ukuti, alelipilisha abantu bakwe ku musango we subilo lya bumi ilyo aletuma kulya kuli bena, pa kupanga... atendeke muli ilya nshita, ukubalenga bena ukulipilila pa mapepo, ukulipilisha pa mapepo. Bena bacili balacicita; novenas.

²⁹⁹ Pantu, ni cinshi ico alecita? Ukusenda icuma ce sonde. Icacupiminako, ukulinga, “Umulingo wa ngano mu ndalama imo; ne milingo itatu iya barley mu ndalama imo.” Uwaninine pali kabalwe uwa fita, mwamona, ena alepanga... ukupokolola abantu bakwe indalama shabo. Ilyo, Baibele ilandila kabela, ukutila ena alikwata, nalimo, icuma ce sonde. Nge fyo twasosele mailo ubushiku palwa Russia na fyonse filya, bena balesenda fye indalama shonse no kupokolola fye abantu pa fintu fyonse ifyo bakwete, ifintu fyonse. E ico, mwacimone co.

³⁰⁰ Nomba moneni. Mulemona kulya ukwakusenda indalama ukwakale, mulukuta, kwafuma? Talukeni kuli cilya cintu; ukukula kabungwe, icintu cimo icikalamba, ba dollar million pano. Kabili—kabili mulemona ifyo nyina wa cena ali?

³⁰¹ Na Mutotela, Shikulu. Owe, mwe! Ndi uwansansa nganshi. Ee, mukwai. Cisuma. Cena caba inkumbu Shakwe. Epela fye. Cisuma. Cisuma.

³⁰² Cali ni nshita ya pakati ka bushiku. Bushe muleiluka cilya nomba? [Ulukuta lwatila, “Ameni.”—Ka.] Kabili pano alelipilisha ku bumi bwa musango filya, ulya e barley wakwe ne fintu, mu cifyalilwa; tacali ica bumupashi, nomba. Cali ni barley, mwamona, e ico, kabili umukate wa barley no mukate wa ngano. Ena alelipilisha ku bumi bwa musango filya ubo alepela ku bantu bakwe. Ukulipilisha amapepo kuli ba shimapepo, ukupepela abantu ukufuma mu mutwala. Ukulipilisha! Nomba ndesenda ici ukufuma fye mwi lyashi lyakale. Ukulipilishapo, ndemona, cena ni novena, ndemona, ifyo bonse baishiba cilya. Novena, ndemona cena cintu cimo ico mulingile ukucita, namwishiba, ukuipanika kumo. Umuntu umo alingile ukulipilisha cilya. Ukuleta icuma ice sonde kuli wene, ku mwine eka, mukati ka lukuta lwine. Kabili ena acili alenina. Owe, mucine eflyo ali. Ee, mukwai. Acili alenina!

³⁰³ Moneni. Ici pano iciputulwa icisuma nomba. Moneni.

. . . *moneni* amafuta no mwangashi *wionaula*.

³⁰⁴ “Ayanono fye ya Yena yashela kulya, lelo mwiesha ukukumya cilya!”

³⁰⁵ Nomba, amafuta yaba...ye mininako Mupashi, Mupashi wa Mushilo. Nala mupelako ama vesi ayanono nga mulefwaya ukulemba. Kuliko Amalemba yabili. Mu Bena Lebi, 8:12, uko

Aaron, ilyo talaingilamo, alino kusubwa na mafuta, namwishiba. Kabili muli Sekaria 4:12, iya mafuta ukwisa, ukupongoloka ukufuma mu misashi, kabili atile, “Uyu Mupashi Wandu, Amafuta.” Icintu cimbi, nga mulefwaya ukumona Mateo, 14...25, kwaliko ba nacingungu abapelwe amano, atemwa 25:3, ba nacingungu abapelwe amano tabakwete Amafuta, tabakwete Umupashi. Kabili Mateo 25:4, na cisingu uwa mano alikwete Amafuta mu nyali yakwe, uwaisushiwa no Mupashi. Umupashi! Amafuta yapashanya Umupashi. Owe, ubukata! [Munyina Branham atote ndupi shakwe capamo umuku umo—Ka.] Cisuma. Muleumfwe ci? [Ulukuta lwatila, “Ameni.”] Cisuma. Nomba, amafuta yapashanya Umupashi.

³⁰⁶ Kabili umwangashi ulangililako ukusansamushiwa ukwa busokololo. Owe, ine—ndefwaya ukubutuka pa cifulo conse. Ndesunguka nga nshacibusha abenamupalamano, ilyo Shikulu acinagisha cilya, mwamona, “ukusansamusha ukwa busokololo.” Mwamona?

³⁰⁷ Amafuta no mwangashi, muli Baibele, fyaampana capamo, lyonse. Ninkwata ibuku lyakulondolwelamo amashiwi kabili nalimwene. Kuliko ayengi aya yena, yalya kwati—nga *filya*, uko mwangashi na mafuta fyendela capamo, inshita yonse. Mwamona?

³⁰⁸ Ilyo Icine icabulayo bwa Cebo cakwa Lesa casokololwa mucine cine ku ba mushilo Bakwe abo abaisushiwa na Mafuta, bena bonse balasansamushiwa. Umwangashi ni kasansamusha. Ubukata! Ndeumfwa Cena ino ine nshita. Ukusansamushiwa no kusangalala, ukubilikisha! Mwamona? Kabili, ilyo Wena wacita, Wena ulakwata amaka yamo yene pali bena ifyo—ifyo mwangashi ucita pa muntu wacifyalilwa. Pantu, ilyo busokololo bwapelwa, ubwa Cine cakwa Lesa, kabili uwacetekela uwa cine aisushiwa na Mafuta, kabili ubusokololo bwokololwa, ukusansamushiwa kulesa mukuba ukwapulishamo ngashi icakutula Ena alalenga wene ukuilangisha umwine ngo ushili umutuntulu. Cisuma. Ubukata! [Ulukuta lwansangalala—Ka.] Mwamona, bulya e bwaba ubwafya na bena nomba. Cilya cishinka, cilabalenga ukuilangisha abene umwaibela.

³⁰⁹ Nomba, nga mulefwaya Amalembo pali ici, tendekeni fye ukubelenga Imilimo ya Batumwa 2. Uko bena bacitile? Ubulayo ubo bwapelwe kuli bena. Ilyo bulayo bonse ubwa Mupashi wa Mushilo bwapongolwele pali bena. Kabili bali...Bwena bwalishininkishiwe na Malembo. Nomba, mulemona, i...

³¹⁰ Nga cakutula balisosele... “Nomba, loleleni, Alitweba ukulolela pano pa mulu pali bukapyunga bwesu.” Kabili panuma ya nshiku cinekonse konse, bena ngabalisosele, “Cisuma, nalamweba, balumendo,” Marko atile kuli Mateo,

“Ine—ndecetekela ifwe kale natuukwata Wene, mwe bantu. Bushe ta muletontonkanya ifyo? Mwamona, ifwe kale natuukwata Wene. Ilyo tulelolela pali bukapyunga bwesu nombamba, ifwe tulingile ukufuma fye ukuya panse, ukuya shimikila. Alitweba ukwisa pa mulu pano no kulolela, kabili ishi shaba ni shinku cinekonse konse twaba pano.”

“Cisuma, lekeni tulolele na bumbi bumo.”

³¹¹ Inshiku pabula shalikumene. Elyo Marko alishile, atemwa—atemwa—atemwa nalimo umo uwa pali bena, Yohane, atile, “Ine—ine—ndecetekela tatulingile ukulolela nakabili. Ndecetekela ifwe natuukwata kale Wene. Bushe tamulecetekela?”

³¹² Elyo kuti namona Simon, pantu alikwete mfungulo, namwishiba. “Nombamba loleleni pali miniti, balumendo! Amalembo nayakwata icintu cimo ica kusosa pali ici. Ena tatwebele fye nshiku isha ifi ishukulolela. Atile, ‘Imwe mwikale kulya mpaka! Imwe mukekale kulya mpaka ubusesemo bwakwa Yoele bukafikilishiwe, mpaka ubusesemo ubwakwa Esaya bukashininkishiwe.’”

³¹³ “Pantu ne milomo iya tamatama no lulimi lumbi fikalanda kuli aba abantu. Kabili uku e kumfwihiwa bwino.” Uyu e mwangashi ulepongololwa. Ni cinshi umwangashi, muli Baibele? Ukufwihiwa bwino. “Uku e kumfwihiwa bwino uku ukufumina ku Mulola wakwa Shikulu.” Mwamona? Cena cili—cena cilingile ukuba mu Malembo nombamba. Mwamona?

³¹⁴ E ico, mulemona, umwangashi wimininako ukusansamusha ukwa busokololo. Kabili ilyo Mupashi wa Mushilo wawile, kabili balimwene Umulilo wakwa Lesa ukuwila pali bena, mwe, cilya catendeke ukubasansamusha. Kabili icintu ca ntanshi namwishiba, balishile sansamushiwa nganshi mpaka abantu batontonkenye mucine balikolelwe, lelo balisansamushiwe ku busokololo. No wakwa Lesa... Ici cili apa! Ubusokololo ubwa kwa Lesa ubwashininkishiwa, ukuletwa palwalala kuli bena, bena bali abasansa nganshi pali cena. Lesa alicilaile. Pano calisokolwelwe kuli bena, no kushininkishiwa kuli bena. Ameni! Uyu apa mwaume aliminine kulya, alesosa, “Ici ni Cilya! Ici Eco!” Kabili Cilya cali palya, ukushininkisha ku cishibilo cimo cine ico twakwata ilelo. Kuliko—kuliko ukusansamushiwa no busokololo. Mwamona? Kabili, nombamba, bena mucine balikwete Cena lyena.

³¹⁵ Ulya e mulandu wine Petro kuti afuma panse kulya, no kusosa, “Cinshi, mwe baume ba mu Yudea, na mwebekala mu Yerusalemu, umfweni kuli ine. Imwe bonse ba Doctor wa fya Bulesa, umfweni kufyo nalamweba, mwamona.”

³¹⁶ Owe, ifyo cawama! Ukusokololwa! Ukusokololwa! Baishile sansamushiwa nganshi ilyo bacimwene ukushininkishiwa. Cilya lyonse cilacita cilya. Cena lyonse cilacita.

³¹⁷ Ilyo namwene ukuti Lesa alilaile ukucite cintu cimo muli buno bushiku, ilyo Alaile ukukakatula ifi Fikakatikilo muli buno bushiku bwakulekelesha! Kabili imwe tamwaishiba ukusangalala, ubukata, ilyo namwene Wene ukusokolola ici, ukwiminina kulya no kucimona ukucitika! Kabili no kwishiba ukutila ndi no kusenda umuntu uuli onse, kukwasuka: Ena tatalile ukusose cintu cimo muli ifwe lelo kano ico cacitike fye filya fine. Elyo kabili ukumona ukusangalala uko kuli mu mutima wandi, ilyo namona ubulayo Bwakwe ubwa shino nshiku shakulekelesha, nge fyo Ena alaile ukucicita. Kabili pano ni ncimona cena ukushininkishiwa no kulengwa icalungama umupwilapo. Ndi fye. . . Mulangu'mfwa ukusosa, "Ndeumfwa bukapepa." Bulya e bwaba ubwafya. Ukusansamushiwa kulaba ukwabipa nganshi, ine—ine—ndi fye—mupepi fye uwaiteyanya ukuya mukuputaula, namwishiba. Ukusansamushiwa, ukufuma ku busokololo! Cisuma.

³¹⁸ Baishile sansamushiwa nganshi, pa bu—busokololo, ubo bashininkishe, cisuma, ubulayo. Nomba, owe, mwe! Kwaishileisa ukusangalala ukwa kusansamushiwa, mpaka abantu batile, "Bena na bakolwa umwangashi upya," ilyo Lesa asokolwele ubulayo Bwakwe kuli bena. Kabili Ena tasokolwele fye cena, lelo Ena alicishininkishe.

³¹⁹ Cilya eco lyonse nsosa. Umuntu kuti asose cintu icili conse, ee, ena kuti aba fye uwa kusose cintu icili conse; lelo ilyo Lesa aisa palya no kushininkisha cilya!

³²⁰ Nomba, Baibele itila, "Nga kuliko umo mukati kenu, uyo uitunga ukuba uwa bumupashi atemwa kasesema, nga asosa ifi fintu kabili tafilefikilishiwa, lyena mwilaposako amano kuli wene. Mwilatina ena, nakalya. Mwilatina ulya muntu. Lelo nga asosa cena kabili caisa mukufikilishiwa; ulya Nine, mulemona. Ine, ndi muli cilya. Cilya cileshininkisha umulandu cibebele Ine."

³²¹ Kabili, lyena, ulyo mwanakashi umunono umwina Samaria. Ilyo Amalembo yasosele ukutila uyu Mesaya akesa cita ifi fintu, kabili pano Aliminine kabili acicitile fye filya fine fye ifyo Amalembo yasosele. Atile, "Ulya Ali palya. Iseni, mumone Umuntu! Bushe cilya te filya fine icintu ico Amalembo yasosa ukuti cikacitika?" Mwamona, aishile sansamushiwa ku busokololo. Bushe co cishinka? [Ulukuta lwatila, "Ameni."—Ka.] Aishile sansamushiwa no busokololo, ilyo cena cashininkishiwe. Mwamona? Cilya cishinka. Alishibe ukutila kwaliko. . .

³²² "Twalishiba ukutila Mesaya aleisa, uyo uwitwa Kristu. Kabili ilyo Akesa, Ena akacita ifi fintu." Alicimwene.

Kabili Atile, "Nine Wine."

³²³ Elyo kusansamushiwa kwalitendeke. Kabili kulya alile, alebilikisha, kabili ukupita mu musumba. Ashile impoto yakwe iya kale iya menshi, kabili aile kulya lubali, kabili atile ku bantu, "Iseni, mumone!"

324 Nomba, nga mwalishibe fye intambi sha ku Kabanga, cilya cilubo kuli ena ukucita cilya. Ee, mukwai. Umwanakashi wa ulya musango, takuli nangu umo uwinga mumfwila. Iyo, mukwai. Mwamona, alikwete ululembo, kabili ilyo ena . . . Nga ena kuti aya mu musebo nga filya, no kucita nga filya, abantu ba mu musebo tabapasako amano kuli ena.

325 Lelo, munyina, ena alikwete Icebo ca Mweo kulya! Alisansamushiwe. Imwe kuti . . . Cali kwati ukwasha ukushimya inga'nda, ilepya, pa bushiku bwa cipupu. Owe, kwalibako icintu cimo iciputilila yena! Ena ali—ena ali uwaiteyanya. Ee. Bena tekuti baleshe Cilya. Ulya wali Umulilo wakwa Lesa uwalebilima. Ee, mukwai. Atile, “Nga ta mulecetekele cili fyo, mwise fye kuno uko ukulongana kulecitikila. Nalalangisha cena kuli imwe.” Ee. Cilya eco. Ee. Ee, mukwai.

326 Kabili e ico abantu balile kulya. Kabili Ena tacitile umuku naumbi. Lelo balishibe icintu cimo calicitike kuli ulyo mwanakashi. Ena alipilibwilwe, e ico bali mucetekele Wene. Ee, mukwai. Balicetekele pali Wene.

327 Pantu, “Icitetekelo cisa mukumfwa, ukumfwa ubulayo bwakwa Lesa, Icebo cakwa Lesa, kabili lolekesheni Cena ukulengwa ubutuntulu.” Pantu, Cena ni mbuto. Kabili ilyo Cena cabyalwa, Cena cili nokusenda Umweo. Cena cili no kuleta filya fine ifyo Cena cilelandapo. Nga tacilecita, lyena cena tacili Imbuto yakwa Lesa. Atemwa, katanda taishibe ifya kutanda Cena; ena tatuminwe kuli Lesa, ku kutanda Imbuto. Ena limbi kuti aletanda Shena pa mulu wa cilibwe atemwa icintu cimo. Mwamona? E ico imwe—e ico mulemona, katanda atanda Imbuto, Lesa alasakamana Yena, Yena iwila mu cifulo icalinga, mulemona. Owe, mwe!

328 Lyena cinshi ico Cena cilesosa kuli uyu uwaninine pa cafita? “Wionaulapo umwangashi Wandu na Mafuta Yandi! Wiesha ukukunya Yena, umwangashi Wandu na Mafuta! Ninkwata fye ayanono aya Yena kulya lubali, lelo kuciliko ayanono fye kulya. Ee. Nomba iwe kuti waya ukupita no kupima bonse ulyo musango wa bumi ubo lepela; cilya cili kuli iwe. Iwe uli no kwisa lipila pali cena kulya lubali. Lelo ilyo waisa mupepi naulya mwangashi na Mafuta, iwe fileke Fyeka!” Owe, mwe! Nga iwe kuti, nga iwe . . .

329 Mu masihiwi yambi, nge fi, “Nga waikata bamo aba Mukuni Wandu unono, abo abaisushiwa na Mafuta Yandi no mwangashi, mwamona, umwangashi na Mafuta aya Cebo icapwililika, mwamona, kabili uli no kubepaya. Pantu, iwe, ulecicita. Cilya eco ulecita. Wilabapatikisha ukusosa uuli onse ‘Nakucelela Maria,’ atemwa ukucita icintu icili conse nga filya, atemwa fimo ifya fisumino fyobe. Ufumyeko iminwe yobe kuli bena. Bena balishiba uko baleya, pantu balisubwa na Mafuta

Yandi. Kabili pakuba abasubwa na Mafuta Yandi, bena balikwata umwangashi uwa kusangalala, pantu balishiba Icebo Candi ica bulayo, 'Ndi no kubemya nakabili.' Wionaula Cilya! Wilaesha ukubakowesha. Pantu, talukako fye ukufuma kuli Cena. Iyo." Bonse. . .

330 Ena alashininkisha Icebo Cakwe nokuletamo Cena. Bena balishibe. Bena balishibe bali no kwima nakabili. Owe, ifyo natemwa cilya! Whew! Bena bakema nakabili. Uyu aisa kabalwe uwafita, nanina nomba, inshita sha mfifi.

331 Kulya kwalile kabalwe uwabuta; twalimwene ifyo acitile, mukupwililika. Uyu alishile kabalwe uwakashika; ifwe twalimwene filya fine ifyo acitile. Uyu aisa kabalwe uwafita. Mulemona, ena ni umu wine unina inshita yonse, ifyo ena alecita, ukupita fye mu nshita.

332 Nomba tulesanga ukuti, ena alipimine no kulipilisha cena, filya fine: ingano, ya cifyalilwa, ubumi bwa cifyalilwa. Cilya eco baleikalilapo.

333 Lelo, ukulangililako; Umupashi, Amafuta; kabili no kusangalala ukwa mwangashi. "Bulyo Bumi ubwa bumupashi, mwionaula Cilya. Cilekeni Cilya ceka!" Nga teifyo, "Rome, wiesha ukukumya Cena! Cena Candi! Cilya cakuli Ine!"

334 Nomba ninkwata icintu cimbi pano ndefwaya imwe ukwishiba. Moneni, tacali ifya Mweo fine ico casosele, "Mwikumya Amafuta kabili no mwangashi." Bushe na mumona cilya? Ifya Mweo fine fyalelanda, lelo. . . Moneni, lekeni fye mbelenge kuno lubali, pakashita fye akanono, mwamona, nomba.

. . . *umulingo*, mu ndalama, *pali i—pali i*. . . *ingano pa ndalama imo, ne milingo itatu iya barley mu ndalama imo; lelo amafuta no*. . . *mwangashi wionaulapo*.

335 Nomba umfweni pano.

Elyo na—elyo naumfwile shiwi mukati ka fya mweo fine. . .

336 Cali ni Cinshi? Umwana wa mpaanga! Ameni! Tacali ifya mweo fine. Umwana wa mpanga alisosele cena. Mulandunshi? Ena ali nokusenda Abakwe Umwine. Balya bakuli Wene. Ena nalubula cilya. Mwamona? Ameni! "Wiesha ukukumya yalya Amafuta!" Iyo, mukwai. Te fya Mweo fine, lelo Umwana wa mpaanga ali Umo wasosele cena. Kabili, owe, mwe! Umwana wa mpaanga! Te. . . ifya Mweo fine tafyabilishe ici. Umwana wa mpaanga atile, Umwine.

337 Ilyo ifya Mweo fine fyasosele, "Isa umone," kabili balile, kabili balicimwene filya fine.

338 Kabili atile, "Umulingo wa ngano mundalama imo, kabili umuli-. . . kabili ifingi ifya ifi nge *fi*, kabili barley iya musango ifi." Lelo lyena Umwana wa mpaanga alibilikishe, mukati fye

kabo, atile, “Lelo wionaula umwangashi na Mafuta!” Uh-huh. Cilya cishinka. Owe, mwe! Umfweni kuli cena, “Wionaula Cena, mune, atemwa ukesa lipilila pali cena ubushiku bumbi.” Owe, mwe!

Naini sate.

³³⁹ Cisuma, ku kwiluka kwandi ukwawamisha, kabili ukwishibisha uko naishibapo, kabili na fyonse ifyo nalishibapo mu mutima wandi, bulya e bupilibulo ubwa cine bwa filye Fikakatikilo fitatu. Ndefwaya ukutasha Lesa pali cena. Kabili nalasose ci, ukuti, cena busokololo ubo Ena ampele. Ena apele cilya kuli ine, ubusokololo ubwa Cena. Kabili ndecetekela ukutila tuleikala mu nshiku sha kulekelesha.

³⁴⁰ Mailo ubushiku tuli nokusenda ulya uwaninine pali kabalwe uwa butulukila. Kabili nomba nshishibe. Ine nshishibe. Lesa naishiba cilya cishinka. Ine nshishibepo nangu cimo palwa cena. Iyo.

³⁴¹ Nacilolekesha mu fyalembwa fyandi ifya kale ifyo nakwete imyaka iyapitapo. Nacimona Munyina Graham Snelling akashita akapitapo; ena limbi nafuma panse. Lelo, ndeibukisha ilyo nacilashimikila kuno, lintu fye. Nacilolekesha ukumona ifyo nasosele imyaka yapitapo. Ubushiku bumo nalepituluka mwi Buku lya Kusokolola, nalibilile bonse abaninine pali bakabalwe bane pa muku umo.

³⁴² Natile, “Kabalwe uwabuta, lulya lwali ulukuta lwa kubalilapo, ukwabula ukutwishika.” Nalibelengele cilya ukufuma mwi buku lyaba Adventisti. Kabili nalibelenge icintu cimo kulya. Natile, “Lulya lwali ulukuta lwa kubalilapo ulo lwaile, ukucimfy.” Kabili cimbi cali kabalwe uwa fita, natile. . . Nindabako nomba ifyo naitile ulya kabalwe uwafita. Natile. . .

³⁴³ Atemwa, “Kabalwe uwakashika,” ntile, natile, “ulya kabalwe nalimo capilibwile ukutila—bulyo bwafya buleisa, kabili cili no kupilibula amabulwi ayengi yali no kubapo, atemwa icintu cimo icapala filya.” Natile, “Nalimo kuli no kuba ubulwi ubwingi.” Natile, “Cilya e fyo cena cingaba.” Elyo kabili natile, “U—uwabutulukila kab-. . .”

³⁴⁴ Atemwa, “Ka-kabalwe uwafita,” natile, “cilya—cilya cilepilibula ukuti—ukuti nalimo kuli nokwisa inshita iya fita pe sonde, ilyo intanda shonse shika—shikaleka ukubalika; akasuba kakebila, no mweshi tawakapele ulubuuto lwa luko.” Natile, “Cilya nalimo efyo cilepilibula.”

³⁴⁵ Natile, “Kabalwe uwa butulukila, cilepilibula amalwele ayengi yaleisa.” Nomba, nshishibe ifyo cilepilibula. Lelo, cilya ni ci, kulya kwali ukwilula kwandi ukwa cena lilya, pantu nacibilule fye mu busuma ubo ninga cita, ukwiminina pano mucintamba.

³⁴⁶ Lelo, owe, naciba fye mupepi ukusose cintu cimo! Cisuma. Hum! Owe! Imwe muli—imwe muli no kumona. Lolekesheni fye, mwamona.

³⁴⁷ Nomba, owe, bushe tatuli abasansa pali ino ora iyo tuleikalamo! [Ulukuta lwatila, “Ameni.”—Ka.] Ilyo tulemona conse ici cintu ukwima, ndetontokanya:

Inko shilepatukana, Israele alebuka,
Fishibilo ifyo bakasesema baseseme;
Nshiku sha Benafyalo shapwa, ne fya kutinya ifingi;

“Bweleleni, Mwe basalangana, ku mwenu.”

Ubushiku bwa kulubulwa bwapalama,
Imitima ya bantu ili no mwenso;
Isushiweni na Mupashi, nyali shenu shiwamyeni,
Shibukeni, ukubululwa kwenu kwafika!
(Owe, mwe!)

Bakasesema babufi balebepa, Cine cakwa
Lesa balekana,
Ukuti Yesu Kristu e Lesa wesu;

Bushe mulecetekela Cena? [Ulukuta lwatila, “Ameni.”—Ka.]

Lelo tukenda apo abatumwa baenda.

Ubushiku bwa kulubulwa bwafika,
Imitima ya bantu ili no mwenso;
Isushiweni na Mupashi, inyali shenu shiwamyeni,
Shibukeni, ukubululwa kwenu kwafika!

³⁴⁸ Bushe cilya tacili icisuma? [Ulukuta lwatila, “Ameni.”—Ka.] Nalitemwa cilya. Ukubululwa nakupalama.

Kukabo Lubuuto mu cungulo bushiku,
Nshila ya Bukata cine mukaisanga;
Mu nshila ya menshi, muli Lubuuto lelo;
Ukushikwa mwi Shina ilyawama lyakwa Yesu.

Umwaice no mukulu, lapileni ku membu shenu,

Mupashi wa Mushilo mu cine akesa;
Ama Lubuuto ya cungulo bushiku yaisa,
Cishinka ukutila Lesa na Kristu ni Umo.

Ena Cebo! Owe, mwe! Naciwama!

Yeswa lesenda Nabwinga ku ba pe kulubali Lwakwe,

Bonse aba mu Mulu bakalongana;

Owe cikabe ca bukata, kubashila mu fyabuta buu;

Kutebetwa na Yesu Muyayaya.

Owe, “Seni mulye,” Shikulu aleita, “Seni mulye;”

Owe kuti mwatebetwa na Yesu lyonse fye;
Wene alishishe bumba, apangile umwangashi,
Ku bansala aleita, “Iseni mulye.”

Owe, “Iseni mulye,” Shikulu aleita, “Seni mulye;” (ukulya pa Cebo!)

Kuti mwatebetwa na Yesu lyonse fye;
Wene alishishe bumba, apangile umwangashi,
Ku bansala aleita, “Seni mulye.”

³⁴⁹ Owe, mwe! Bushe muli ne nsala? [Ulukuta lwasangalala—Ka.] “Balishuka abo abakwate nsala ne cilaka ca bulungami.”

³⁵⁰ Bushe mwali Mutemwa? [Ulukuta lwatila, “Ameni.”—Ka.] Bushe mwali Mutemwa? Imimbile palwa *Nali Mutemwa*, mwalishiba. Leken i fwe bonse twiminine nombamba, no kwimya amaboko yesu no kuilangisha fwebene kuli Wene. “Nali Mutemwa, nali Mutemwa pantu Abalilepo ukuntemwa.” Cisuma, bonse capamo nombamba.

Nali Mutemwa, Nali Mutemwa
Pantu Abalilepo ukuntemwa
No kushite pusukilo lyandi
Pa Kalbale.

³⁵¹ [Munyina alandila mululimi lumbi. Munyina Branham aikala tondolo—Ka.] Beni fye no mucinshi nganshi. Natukwata kelula muno, Munyina Higginbotham. Nshishibe ngali muno muno bushiku, atemwa iyo. Tulefwaya ukusanga ifyo Ena asosele kuli ifwe. Loleleni fye pali miniti. Uyu, uyu . . . [Nkashi apela ubwilulo.]

³⁵² Mucine, lumbanyeni Shikulu! Icitetekelo candi nacimishiwa pa mulu muli Lesa. Imwe, mwali Mutemwa, muno bushiku, no mutima wenu onse? [Ulukuta, “Ameni.”—Ka.] Owe, lumbanyeni Wene, no kusosa, “Twa Mutotela, Shikulu Yesu!” [Ulukuta lulembanya Lesa.]

³⁵³ Ifyo tulelumbanya Imwe, ne mitima yesu yonse, Shikulu! Ubukata kuli Lesa!

³⁵⁴ Mulumbanyeni fye Wene, mwe bantu bonse. Lesa abe na imwe! [Ulukuta lwatwalilila ukusangalala no kulumbanya Lesa—Ka.]



Ukusokolola Ukwa Fikakatikilo Cinelubali
(*The Revelation Of The Seven Seals*)

Ishi Mbila na Munyina William Marrion Branham intanshi shapelwe mu Icingeleshi pa Marchi 17 ukushinta Marchi 24, 1963, pa Branham Tabernacle mu Jeffersonville, Indiana, U.S.A., kabili *Icikatikilo Ica Cinelubali* calitwalilile pa Marchi 25 pa Sherwood Motel. Pa kukwata ama tepu ayomfwika bwino nganshi kabili aya ntendekelo ayapwishiwa, ishi Mbila nashicitwa cipya cipya ukulingana ne milembele icitilwe nomba. Amano yonse yalibikilweko ukufumya bwino bwino Imbila mu ma shiwi ukufuma muli magnetic tepu uwaambulwa ukuletwa pe bula ililembelwe, kabili nashilembwa muno ukwabula ukulundamo nelyo cimo. Shalembelwe mu Cibemba mu 2003 na ba Voice of God Recordings.

Insambu shonse muli ili buku shalicingililwa. Ili buku tekuti lishitishiwe, ukulembwa nakabili, ukwilulwa mu ndimi shimbi, atemwa ukubomfiwa ukusangwilako indalama ukwabula ukulangisha nsambu ishalembwa kuli ba William Branham Evangelistic Association. Lyaishile lembwa nakabili mu 2003.

©2003 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org